

**Ammasumik ataatsimiinnermi oqaluuserisassat:**

**Imm.01 Oqaluuserisassat akuersissutigineri**

**Imm.02 Allaffeqarfimmiit paasisutissiineq**

**Imm.03.1 Maniitsumi Sisimiunullu Teknikkimut, Pilersuinermit Sanaartornermullu 2020-mi  
ukiup affaanut nalunaarusiaq**

**Imm.03.2 Qaartartuusivimmut aqquernup Sarfat-nut tallineqarnissaa**

**Imm.04.1 Naalakkersuisut Eqqagassalerinermit iliusissatut pilersaarutaat 2020-2031 pillugu  
ilisimatitsissut**

**Imm.04.2 Nalunnguarfimmi kiisalu Siverthsenip/Adammip Aqqutaani tasinnguani naanerit**

**Imm.04.3 2020-mi akigititat, Tekniki Pilersuinerlu**

**Imm.05.1 Tuttunniarnissamut aamma umimmanniarnissamut 2020-mi aasaaneranut aamma  
ukiaaneranut pisassiissutit piffissaliussallu tusarniutigineqarnerat**

**Imm.05.2 2020-mi Qeqqata Kommuniani Sisimiut aqutsiveqarfiani ukiaanerani umimmaat  
pisassiissutit agguanneqarnerat piniarneqarnerallu pillugit aalajangiineq**

**Imm.05.3 Naalakkersuisunut Kalaallit Nunaanni erngup nukinga atorlugu nukissiorfinnik  
pingaarnersiuinissaq pillugu saaffiginnissut pillugu innersuussut**

**Imm.05.4 Tamalaat**

Ataatsimiinneq allartippoq nal.14.00

*Peqataasut:*

***Siumut***

- FrederikOlsen

***Atassut***

- Siverth K. Heilmann

-

***Inuit Ataqtigiit***

- *Axel Lund Olsen*

***Partii Naleraq***

- Jens M. Lyberth (telefonikkut Kangaamiunit) sisamanut ingerlasariaqarsimavoq.

*Nalunaaruteqarlutik peqataanngitsut:*

- *Jakob Olsen*

*Nalunaaruteqaratik peqataanngitsut:*

## **Imm. 01 Oqaluuserisassat akuersissutigineri**

Axel ataatsimiinnermi aqutsisuuvoq, aamma Teknikkeqarnermut ataatsimiititaliamit oqaluuserisassaq akuerineqarpoq, tamalaani immikkoortut tullinguuttut eqqartorneqarnissaat kissaatigineqarluni:

1. Sisimiuni majuartaammik ingerlatsineq
2. Kalaalimineerniarfimmi akinut nutaanut killiffissiuineq

## **Imm. 02 Allaffeqarfimmiit paasissutissiineq**

### Maniitsoq (Ulrik saqqummiissaaq)

1. Sanaartornermut tunngasut
  - a. Silami qalipaanerit silap unerisimanngippallaarnera pissutaalluni arriitsumik ingerlapput
  - b. Sanaartorfigissaaneq
    - i. Ungusivimmi sanaartorneq suli ulluni 14-ini kinguartinneqarpoq
    - ii. Iliveqarfiup allilernerqarnissaa piareersarneqarpoq
  - c. Puttasut
    - i. Atortussat tikereerput, ikkussorneqannginnerini qajannaarsuinissaq, qajannaarsuinissamullu toqqavissat assgiinnigitsut amigaataaginnarput.
  - d. Timersortarfiup silataatigut majuartarfiit - immikkoortut ataasiakkaarlugit.
  - e. Sanaartornermi suliaqartartutut atorfik suli inuttassarsiuunneqarpoq
2. Ingerlatsinermit tunngasut
  - a. Immikkoortortami ingerlatsinermit atorfik inuttassarsiorneqarpoq
3. Maniitsumi ingerlatsineq pillugu ataatsimiititaliami ilaasortat apeqqutaat:
  - a. Kangiata tungaanut aqqusineq pillugu killiffik suua, qaqugu suliaq ingerlateqqinneqassava?
    - i. Akissutit: Sulinerit aallarieriarlutik unitsinneqarallarput, sanaartornermullu suliaqartartutut atorfik inuttassarsineqareerpat aallartinneqaqqissallutik.
  - b. Kangaamiuni atuarfik - suliniuteqarnerit suliarinnitussarsiusinnermullu naatsorssuutit qaqugu aallartinneqassappat
    - i. Akissutit: Sanaartortitsisumut siunnersortitut oktobarip aallaqqaataani 2020-mi aallartittussamik atorfinittoqarpoq. Atorfinittoq suliariorpat suliasat aallarteqqinneqassapput

### Sisimiut (Niels Mønsted saqqummiivoq)

Hans Ulrik sulinnigiffeqarallarpoq taamaattumik Niels massakut Teknikkeqarfimmi pisortaagallarpoq, apeqqutinullu akissuteqartarluni.

1. Pilersaarusiornermut tunngasut:
  - a. Pilersaarusiornermut pisortatut atorfik inuttassarsineqarpoq
  - b. Pilersaarusiortatutut atorfik inuttassarsineqarpoq
2. Ingerlatsinermit tunngasut:
  - a. Ikuallaavimmik aqutsisutut atorfik inuttassarsiorneqarpoq
  - b. Sanaartugassanik nakkutilliisutut atorfik inuttassarsiorneqarpoq
  - c. Siulittaasutut atorfik inuttassarsiorneqarpoq
3. Ataatsimiititaliami ilaasortat Sisimiuni ingerlatsineq pillugu apeqqutaat
  - a. Sisimiut Kangerlussuullu akornanni aqqusinissaq sumut killippa?
    - i. Akissutit: Sulineq ingerlavoq, kisianni piffimmi nunamik qeriuannartoqarnera sioqqanillu atortussaqaarnera ajornartorsiutaapput, sulianillu kinguarsaataallutik, Kangerlussuarmi suliniummik aqutsisup nutaap suliap eqaatsumik ingerlanneqarnissaa qulakkiissavaa
  - b. Kinguaattoorneq Aningaasaqarnermut sunniuteqassava?
    - i. Aap, piffissap naatsorssuutigineqartup iluani sulisoqarnissaa isumaqatigiissutavoq.
  - c. Sarfangvani illu tamatigoortoq sumummita killippa?
    - i. Entreprenøri peqatigalugu isumaqatigiissusiortoqarnikuuvoq, sulinerlu aallartereerluni

**Teknikkeqarnermut ataatsimiititaliap august-ip 10-ani 2020 ileqqusumik ataatsimiinnera 05/2020  
imaqarniliaq**

**Imm. 03.01 Maniitsumi Sisimiunullu Teknikkimut, Pilersuinermit Sanaartornermullu 2020-mi ukiup affaanut nalunaarusiaq.**

*J.nr.: 06.01.02*

ERP systemeq nutaaq atorlugu aningaasaqarnikkut ukiup affaanut nalunaarusiaq una siulliuvoq. Nalunaarusiap matuma suliarinerata naalaani nuutsitaniit atuineq 2020-mi juunip 30-at ilanngullugu naatsorsugaavoq.

Ataatsimut nalunaarusiaavoq, Sisimiut + Maniitsoq Sanaartornermi suliniutinut nutaamik nalunaarusioriaaseq pillugu pilersaaruteqartoqarpoq, kisianni tamanna qaqugu atuutsinneqalissanersoq piffissami matumani ilisimaneqanngilaq.

Nalunaarusiamut tunngatillugu eqqaavilerinermut, nunaminertanik atugassiinernut akiligassiissutit assigiinngitsut, eqqakkanutt, ungasiaanit kiassarnermut il.il. akiligassiissutit siumoortupput, aammalu ukiumut nalunaarummik nalunaaruteqarnermut atatillugu kisitsisit eqqortut ataatsimut isigalugu pissarsiarineqassapput.

Sumiiffinnut marluusunut ataatsimut atuuppoq, ERP-mut ikaarsaanermit ukiup ingerlanerani nuutsisarnermut pisariaqartitsinermi kukkulluni nuutsisarmissat naatsorsuutigineqartarsinnaapput, qarasaasiakkut nuutsitsissut kukkunernik imaqarsimagami, aammalu aningaasanik tunniussinissaq eqqarsaatigalugu 2019-imi 2020-milu akiligassiissutit annertuut tuaviortumik suliaqarnikuusimmata.

| <b>Teknikkeqarnermut ataatsimiititaliap</b>            | <b>Missingersutit 2020</b> | <b>Atuineq 1. kvartal</b> | <b>Atuineq 2. kvartal</b> | <b>Piffissami atuineq tamakki isoq</b> | <b>Pissutsinut atuinermit %</b> | <b>Atuineq sinnerittut %</b> |
|--|----------------------------|---------------------------|---------------------------|--|---------------------------------|------------------------------|
| 561010000 SIS<br>Teknik aamma<br>Miljø Stab            | 6.431.000,00               | 77.877,17                 | -25.089,54                | 52.788                                 | 1,642%                          | 99,179%                      |
| 562040100 SIS<br>Kalaalimineerniarfik<br>- Qimatulivik |                            | -<br>578.702,0<br>2       | -794.655,13               | -<br>1.373.35<br>7                     |                                 |                              |
| 562040200 SIS<br>Entreprenøreqarfik                    |                            | 745.426,1<br>5            | 20.343,71                 | 765.770                                |                                 |                              |
| 562040300 SIS<br>Ikuallaavik                           | 1.446.000,00               | 2.210.688,<br>59          | 1.020.793,1<br>3          | 3.231.48<br>2                          | 446,955%                        | -<br>123,477<br>%            |
| 562040400 SIS<br>Upalungaarsimaneq<br>Qatserutaasivik  | 5.750.850,00               | 554.948,4<br>6            | 989.950,79                | 1.544.89<br>9                          | 53,728%                         | 73,136%                      |
| 562040500 SIS<br>Nunaminertanik<br>atugassinneq        |                            | 6.573,00                  | -4.750,00                 | 1.823                                  |                                 |                              |

**Teknikkeqarnermut ataatsimiititaliap august-ip 10-ani 2020 ileqqusumik ataatsimiinnera 05/2020  
imaqarniliaq**

|   |                            |                           |                           |                |           |              |
|---|----------------------------|---------------------------|---------------------------|----------------|-----------|--------------|
| 562040600 SIS<br>Sanaartornermut<br>immikkoortortaq   | 91.869.000,0<br>0          | 4.285.480,<br>86          | 6.946.845,2<br>3          | 11.232.3<br>26 | 24,453%   | 87,774%      |
| 562040700 SIS<br>Eqqaavilerineq                       | -741.000,00                | -23.133,00                | 54.459,41                 | 31.326         | -8,455%   | 104,228<br>% |
| 562040800 SIS<br>Teknikkikkut<br>ingerlatsineq        | 23.601.000,0<br>0          | 9.635.279,<br>52          | 6.976.558,0<br>1          | 16.611.8<br>38 | 140,772%  | 29,614%      |
| 563010000 MAN<br>Teknik aamma<br>Miljø Stab           | 3.300.000,00               | 586.219,8<br>7            | 816.119,31                | 1.402.33<br>9  | 84,990%   | 57,505%      |
| 563030100 MAN<br>Kalaalimineerniarfik                 |                            | -6.211,17                 | -360.626,39               | -<br>366.838   |           |              |
| 563030200 MAN<br>Entreprenøreqarfik                   |                            | 166.787,2<br>1            | 142.129,40                | 308.917        |           |              |
| 563030300 MAN<br>Ikuallaavik                          | 2.324.000,00               | 423.815,5<br>7            | 501.169,31                | 924.985        | 79,603%   | 60,199%      |
| 563030400 MAN<br>Upalungaarsimaneq<br>Qatserutaasivik | 3.291.000,00               | 447.322,0<br>1            | 591.858,48                | 1.039.18<br>0  | 63,153%   | 68,424%      |
| 563030500 MAN<br>Nunaminertanik<br>atugassinneq       |                            |                           | 5.854,46                  | 5.854          |           |              |
| 563030600 MAN<br>Sanaartornermut<br>immikkoortortaq   | 57.628.000,0<br>0          | 2.336.008,<br>38          | 6.283.839,1<br>6          | 8.619.84<br>8  | 29,915%   | 85,042%      |
| 563030700 MAN<br>Eqqaavilerineq                       | 415.000,00                 | -<br>289.957,3<br>9       | -13.079,79                | -<br>303.037   | -146,042% | 173,021<br>% |
| 563030800 MAN<br>Teknikkikkut<br>ingerlatsineq        | 13.200.000,0<br>0          | 5.985.349,<br>82          | 4.043.695,9<br>7          | 10.029.0<br>46 | 151,955%  | 24,022%      |
| <b>Kisitsisit<br/>pingaarnerit</b>                    | <b>208.514.850,<br/>00</b> | <b>26.563.77<br/>3,03</b> | <b>27.195.415,<br/>52</b> | 53.759.1<br>89 |           | 74,218%      |

**Teknikkeqarfik: Ingerlatsineq.**

**Ataatsimut isigalugu missingersuutit eqqortinneqarput, taamaattorli immikkoortuni ataasiakkaani missingersuutit suli inissinngillat.**

**Tamanna Sisimiunut Maniitsumullu atuuppoq.**

**Teknikkeqarfik: Sisimiut**

**562040100 SIS Kalaalimineerniarfik - Qimatulivik**

Kalaalimineerniarfimmum missingersuutit systemimut nutaamut sulii ikkunneqanngillat. Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikippallaarnissaanik takussutissaqanngilaq. Atuineq pillugu allattugaanerusunit Ilanngussamut 1-mut innersuussisoqarpoq.

#### **562040200 SIS Entreprenøreqarfik**

Immikkoortortaqarfik Entreprenøreqarfiup iluani asfalteerineq, qimmilerivik, iliveqarfik, majuartaateqarfik kiisalu qamutit motoorillit inissisimapput. Ilanngussaq 1 innersuussutigalugu, immikkoortortat SIS Entreprenøreqarfik SIS Ingerlatsivik TEKNIKKIKKUT assigiinngitsunik missingersuuteqarlutik assigiimmik ”siunertamut taaguuteqartut”.

#### **562040300 SIS Ikuallaavik**

Ikuallaavimmumt eqqakkanik akiliutinut aammalu ungasiaanit kiassarnermut tunisanik 6.45 mio. koruunit missaaniittunik isertitaqartoqarnissaa naatsorsuutigineqarpoq. Ukiut siuliinit misilittakkat takutippaat, atuinermi procenti nikerartorujusuusartoq. Ikuallaavimmit Nukissiorfiit avataanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni.

Aningaasaqarnermut systemimi nutaami isertitat eqqortumik inissineqarsimanersut ilisimaneqanngilaq. Ikuallaavimmumt isertitat ikuallaavimmi tamakkiisumik missingersuutini oqimaatsuummata - tamanna atuinermi procentimi annertuumik nikingatitsissaaq. Taamaattumik aningaasaqarnermik eqqortumik takutitsinissamut ukiup ingerlanerani tamakkiisumik isertitat atuinermut tamakkiisumut apeqqutaajumaarput. Atuineq pillugu allattugaanerusumt Ilanngussamut 1-mut innersuussisoqarpoq.

#### **562040500 SIS Nunaminertamik atugassiineq**

Immikkoortoq SIS Nunaminertamik atugassiineq nunaminertamik il.il. atugassiinermumt akiliutinumt isertitaapput. Immikkoortumumt atuuppoq, akiluteqartitsinernit, containerinik attartortitsinermik umiatsianullu inissiivinnik attartortitsinermumt isertitat immikkoortup ataani inissineqassammata. Atuineq pillugu allattugaanerusumt Ilanngussamut 1-mut innersuussisoqarpoq.

#### **562040700 SIS Eqqagassalerineq/anartarfilerineq**

Eqqaavilerineq namminersortunumt suliariumannittussarsiorneqareerpoq. Entreprenø-mumt akiliineq atuiffimmit tassanga pisarpoq kiisalu innuttaasumit suliffeqarfinniillu, kommunip imaartittarnermumt aaqqissuussaanumt ilanngunneqarsimasumit isertitat ilanngullugit. Aningaasartuutit isertitalu akornnanni missingersuutitigut oqimaatigiiittoqarnissaa naatsorsuutigineqarpoq. Eqqagassalerinermumt anartarfilerinermullu imaarsisarnermumt ingerlatsisumumt akiligassat anillatsineqartartut akilerneqartarnerisa nikingasuupput, taamaattumillu atuineq eqqunngitsumik takussusiisarluni. Atuineq pillugu allattugaanerusumt Ilanngussamut 1-mut innersuussisoqarpoq.

#### **562040800 SIS Ingerlatsineq TEKNIKKIKKUT**

562040200 SIS Entreprenøreqarfiup iluani allaaserineqartumt innersuussutigalugu, immikkoortortat marluusumt SIS Ingerlatsineq Teknikkikkumt aamma SIS Entreprenøreqarfik arlalitsigumt assingussuteqarput. Taakku siusinnerusukkumt Winformatik-imi atuiffik 2 – TEKNIK iluani ataatsimoortinneqarput. Ukiut sisamararterutaata siullermi aputaajaaneq pingaarnertumt atuuppoq. Ukiut siuliiniit kvartalimi siullermi apinerunera pissutaalluni, aputaajaanermumt aputinullu katersukkanumt piiiaanermumt aningaasartuutit missingersuutaasuniit qaffasinnerunikuupput.

**Teknikkeqarnermut ataatsimiititaliap august-ip 10-ani 2020 ileqqusumik ataatsimiinnera 05/2020  
imaqarniliaq**

ingerlatsineranut aqutsisup naatsorsuutigivaa, maannakkut missingersuutaasunik, kvartalip sisamaanni ukiuunerani aqqusinernik aserfallatsaaliineq aallarteqqinneqarpat atuivallaartoqassasoq, kisianni 2020 naalernerani tassunga iluarsissuteqartoqassasoq.

Atuineq pillugu annikitsukkuutaanut ilanngussaq 1-imut innersuussisoqarpoq.

**Teknikkeqarfik: Maniitsoq**

**563010000 MAN Teknikkeqarneq Avatangiisillu Stab**

Atuiffik kommunip allaffiata ingerlanneqarnera, allaffissornermi atortunut nioqqutissanut il.il. teknikkkut immikkoortortanut amerlasuunut nuutsivittut atorineqarnikkuvoq.

**563030300 MAN Ikuallaavik**

Kukkusumik konteeriisoqarsimanissaanik misissuisoqarnissaq natsorsuutigineqarsinnaavoq.

**563030400 MAN Upalungaarsimaneq Qatserisartoqarfik**

Upalungaarsimasunit immikkut ingerlanneqarpoq.

**563030700 MAN Eqqagassalerineq/anartarfilerineq**

Eqqaavilerineranut akiligassiisutunik qaammatit pingasukkaarlugit aniatitsisoqarnera pissutigalugu, atuiffik 563030700 qaammatinut pingasunut aningaasartuutunik takussutissiivoq, kisianni manna tikillugu suli isertitaqartoqanngilaq. 563030700 udgifter for 3 måneder, men har pt formentlig ikke tilført indtægter. Ima isumaqarpoq, atuineq qaffasissorujussuartut isigineqarsinnaasoq, tamannali maajimi nalinginnaasuvoq.

**563030800 MAN Ingerlatsineq TEKNIKKIKKUT**

Teknikkkikkut immikkoortortanut assigiinngitsunut, matumuna kommunimik ingerlatsineranut aammalu nutarterineranut kukkusumik konteeriisimaneqarnut misissuiffigineqarnissamut naatsorsuutigineqartunut nukingernartuusinnaasut ilanngullugu, atuiffik konteeriiffittut atorineqarpoq.

**Sanaartornermut tunngasut: Sisimiut aamma Maniitsoq**

| Teknikkeqarnermut ataatsimiititaliap - Sanaartorneq  | 2020-mut missingersuut | Kvartali mi siullermi atuineq | Kvartalip aappaani atuineq | Piffissami atuineq katillugu | Pissutsi nut tunngasunik Atuineq %-inngorlugu | Atuineq sinneruttuq %-inngorlugu |
|--|------------------------|-------------------------------|----------------------------|------------------------------|---|----------------------------------|
| <b>562040600 SIS Sanaartornermut immikkoortortaq</b> | <b>91.869.000,00</b>   | <b>4.285.480,86</b>           | <b>6.946.845,23</b>        | 11.232.326                   | 24,453%                                       | 87,774%                          |
| 010500 Qeqqata Kommunia Ataatsimoorussaq             | 41.500.000,00          | 147.142,84                    | 431.897,50                 | 579.040                      | 2,791%  | 98,605%                          |
| 010570 Maniitsoq                                     |                        |                               | 49.500,00                  | 49.500                       |   |                                  |

**Teknikkeqarnermut ataatsimiititaliap august-ip 10-ani 2020 ileqquusumik ataatsimiinnera 05/2020  
imaqarniliaq**

|  |                            |                          |                           |                        |                     |                     |
|--|----------------------------|--------------------------|---------------------------|------------------------|---------------------|---------------------|
| 010580 Sisimiut  | 41.369.000,0<br>0          | 3.705.812,<br>86         | 5.228.713,2<br>5          | 8.934.526              | 43,194<br>%         | 78,403<br>%         |
| 010581 Itilleq   |                            | -9.384,84                |                           | -9.385                 |                     |                     |
| 010582 Kangerlussuaq   | 9.000.000,00               | 59.410,00                | 1.233.187,5<br>0          | 1.292.598              | 28,724<br>%         | 85,638<br>%         |
| 010583 Sarfannguaq /<br>Sarfannguit                          |                            | 382.500,0<br>0           | 3.546,98                  | 386.047                |                     |                     |
| <b>563030600 MAN<br/>Sanaartornermut<br/>immikkoortortaq</b> | <b>57.628.000,0<br/>0</b>  | <b>2.336.008,<br/>38</b> | <b>6.283.839,1<br/>6</b>  | 8.619.848              | 29,915<br>%         | 85,042<br>%         |
| 010500 Qeqqata<br>Kommunia<br>Ataatsimoorussaq               | 10.795.000,0<br>0          |                          |                           | -                      | 0,000%              | 100,00<br>0 %       |
| 010570 Maniitsoq   | 41.703.000,0<br>0          | 2.335.567,<br>52         | 6.177.939,1<br>6          | 8.513.507              | 40,829<br>%         | 79,585<br>%         |
| 010571 Atammik   |                            | -4.383,32                |                           | -<br>4.383             |                     |                     |
| 010572 Napasoq   |                            | -3.786,72                |                           | -<br>3.787             |                     |                     |
| 010573<br>Kangaamiut   | 5.130.000,00               | 8.610,90                 | 105.900,00                | 114.511                | 4,464%              | 97,768<br>%         |
| <b>Kisitsisit pingaernerit</b>                               | <b>149.497.000,<br/>00</b> | <b>6.621.489,<br/>24</b> | <b>13.230.684,<br/>39</b> | <b>19.852.17<br/>4</b> | <b>26,559<br/>%</b> | <b>86,721<br/>%</b> |

Sanaartornermut tunngasunut tamarmut 2019-imi missingersuutinit 187.065 mio. koruunit nuutsinneqartussatut ataatsimiititaliamit akuerisaasut kingulliit ilanngunneqarnissaat amigaataavoq. Tamaattumik sinneruttunut procentinut qulaanittoq eqitsit eqqortumik tikkuussinngilaq, aningaasat nuutsinneqartut amigaataammata.

Sumiiffimmi taaguuteqartumi "Ataatsimoorussat" (siusinnerusukkut sumiiffinnut kode 00 imaluunniit 90) eqitsimmi sulianut aningaasat akuerisaasuupput, kisianni ERP-systemimi stedkode atorlugu nuutsinneqassapput, taamaattumik suliniutinut stedkodelinnut aningaasaliissutit taakku nuutsinneqassapput.

Sanaartugassatut suliniutini ataasiakkaani nuutsinerit pillugit paasissutissat allattoqqanerusunut ilanngussaq 2-mut innersuussisoqarpoq.

Sisimiut:

Sisimiuni sanaartornermut tunngasuni atuinerup appasinnera, sanaartugassatut suliassat arlallit aallartilaqqanerannik aammalu entreprenørinit akiligassiissutit suli nassiunneqannginnerannik aammalu allat siunnersortini pilersaaruserneqarnerannik patsiseqarpoq.

Sumiiffinni arlalinni illuutininik nutarsaernerit ingerlapput aammalu ukioq mannamut kingulliit sanasuni neqeroorutaapput.

Nikkorsuarni utoqqarnut inissianut aqqaneq-marlunnut aammalu Akiani meeqqerivik 4-mut toqqaviliorneq ingerlavoq.

Sarfannguani illu tamatigoortoq entreprenørinik isumaqatigiissusiorfigineqaleruttorpoq.

Aqissilimmik aamma Chr. 28-p aqputaani nutaanik kuuffissualiorneq ingerlavoq aammalu Muunup aamma Paamaap Kuuani kuuffissuarnik nutarsaaneq ingerlavoq.

Kommunip pilersaarusiorfigineqarnerani tapiliussaq 19 naapetorlugu Akiani sanaartorfissagissaaneq sanaartortunut suliariumannittussarsiuunneqarnikuuvoq aammalu entreprenørinik akitigut isumaqatiginninniarnit tingerlanneqarput.

Kangerlussuarmi aqqusineq aamma ATV-nut aqput pillugu akikinnerpaamik neqerooruteqartumik isumaqatigiissusiorqarnikuuvoq aammalu piffissaq ilaatigineqartoq malillugu aqqusineq suliarineqartussaammat, siunnersortitut suliffeqarfimmik nakkutilliinermik suliaasaq pillugu isumaqatigiissusiorqarpoq.

Kangerlussuarmi illu tamatigoortumi sukat napparneqareerput illulu matuneqaleruttorpoq.

**Maniitsoq:**

Ungusivik: Sanaartorfissagissaanerup immikkoortoq 1 ulloq maannamut 20%-ia naammassineqalereerpoq.

Annertusoq-Tunoqqusaq ikaartarfik: 15 %-ia naammassereerpoq, atortussat kinguaattooqqapput.

Avannamut Kangimut illoqarfiup immikkoortuanut nutaamut aqqusinissaq suli aallartinneqanngilaq Nunap pissusaata ajornakusoornera pissutigalugu Sarfaat tungaanut majuartaat suli aallartinneqanngilaq, tamanna pillugu TA-mut immikkoortoq alla takuuk.

Maniitsumi Ilaqutariinnut Inerisaavimmik sanaartornissaq sanaartortunut suliariumannittussarsiuunneqarnikuuvoq, akinullu isumaqatiginninniarnit ingerlapput, suliariumannittussarsiuussinerup inerneru pillugu TA-mt immikkoortoq alla takujuk.

Atuarfik Kilaaseeraq nutarterineq: Sanaartortitsisumut siunnersortimik/sanaartornermut suleqataasutut atorfiup inuttaqannginnera pissutigalugu pilersaarusiorneq aallartinneqanngilaq.

Kangaamiuni atuarfiup nutaarterneqarnera. Sanaartortitsisumut siunnersortimik/sanaartornermi suleqataasussaq utaqqineqarpoq, sanaartortitsisumut siunnersortiusimasumiit siunnersuutinik pingasunik suliaqartoqarnikuuvoq, suli akuersissutigineqanngitsunik.

Kuuffissuit nutaat Ivissuit. Pilersaarusiorneq ingerlavoq aammalu paaineqarpoq, suliniummik akitsorsaataasussamik qaartiterinermik suliaqartoqartariaqartoq.

Napasumi iliveqarfik. Sinaakutissat sioraasunut ujaqqat qaartitikkat 30x50 cm Nuummiit assartorneqarnissaat amigaataavoq. Umiarsuaq assartuut Masik aallartinneqarpoq.

Inuussutissarsiorqortunut immikkoortortami nutaami qaartiterutaasivimmut aqput aallartinneqarpoq suliarineqarneralu ingerlavoq.

Teknikkeqarnermut Avatangiisinullu immikkoortortamit Teknikkeqarnermut ataatsimiititaliamut innersuussutigineqarpoq:

Sisimiuni Teknikkeqarnermut, Pilersuinermit Sanaartornermullu 2020-mi ukiup affaanut aningaasaqarnikkut nalunaarusiaq akuersissutigineqassasoq.

### **Aalajangiineq**

Ataatsimiititaliamit innersuussut akuerineqarpoq, aningaasaqarnermullu systemi nangaasutigineqarluni. Oqaaseqaatit tusaatissatut tiguneqarput

### **Ilannussat**

1. Ingerlatsineq allattoqqanerusoq 1. juli 2020
2. Sanaartorneq allattoqqanerusoq 1. juli 2020

### **Imm.03.2      Qaartartuusivimmut aqquernup Sarfat-nut tallineqarnissaa.**

*J. nr. 23.01*

#### Tunuliaqutaq

Teknik-kimut avatangiisinullu immikkoortortaarfik ulloq 18.03.2020 allakkanik siunnersuummik imalinnik tigusaqarpoq (ilanngussaq 1 takuuk).

Allakkami siunnersuutigineqarpoq qaartartuusivimmut aqquernup Sarfat-nut tallineqarnissaa.

Siunnersuutip Teknikkeqarnermut ataatsimiititaliap siulittaasuanit Frederik Olsen-imit Tekniskimut ataatsimiititaliap ataatsimiinnissaanut oqaluuserisassatut ilanngunneqarpoq.

#### Maleruagassatigut tunngavissat

Aqqusinerik pilersitsineq-, annertusaaneq taakkunanngalu pitsanngorsaaneq Kommuniq suliaasaqarfigivaa.

#### Pissutsit atuuttut

Sisorartarfik Sarfat Maniitsup avannaani illoqarfiup “tunuani” inissisimavoq.

Sarfat-nut sisorariarnartut ujaqquernivimmik snescooterinik uteqattaartunit ingerlanneqartarput.

Snescooterinik aqputaa atuarlugu ingerlaarfik 2,8km missaani takissuseqarpoq. Assartuinnermi imeqarfik aqqusaarneqartarpoq, naak snescooterinik aqqusaarneqarnissaa

innersuussutaanngikkaluartoq/inerteqqutaagaluartoq. (Ilanngussaq 2 takuuk)

Sarfat-ni sisorarfigissaasoqarnerani qamussuit (pistemaskine) atorneqartarput, taakkulu aamma imeqarfik aqqusaqqartarpat, piumasqaataavorlu sikup aqqusaarneqartussap minnerpaamik 70 cm-imek issussuseqarnissaa, tamannalu sisorarfigissaanissamik kinguarsaaqataasinnaarluni.

Qaartartuusivik ullumikkut Eqaluliup nunataani inissisimasup illoqarfimmiik ungasinnerusumut inissinneqarnissaa pissutigalugu aqquerniaq grusvej-iusoq pilersaarutit malillugit aasaq 2020 naammassineqartussaavoq. Qaartartuusiviup inissinneqarfissaaniit sisorartarfimmut sissaq sinerlugu ungasissuseqarpoq 750-850 meter-it missaani. (ilanngussaq 2 takuuk)

Sarfat-ni majuartaasiortoqarnissaa pilersaarutaagaluarpog 2020-imi ingerlanneqassasoq, piareersarneq 2019 aasakkut ingerlanneqarniarsimalluni. Qillerut majurtaatip napasussaata inissisimaffissaanik nunagissaanermi atorneqartussaq angallammik uiaanneqarluni Sarfat-nut apuunneqarsimagaluarpog. Qummulli majurtaateqarfissap tungaanut angallammik niuneqarfianiik majuunneqarnissaa ulorianarpallaartutut isigineqarluni utertiinnarneqarsimalluni.

Majurtaatip inissisimaffissaa sisorartartut peqatigalugit inissinneqarsimasup atuisussanit sisorartartut peqatigiiffianit MS-89-imeersunit marts-ip aallartilaarnerani Tekniskimut Avatangiisinullu Immikkoortortaarfimmut saaffiginnissutigineqarpoq, allatut aqqiissuteqarfineqassasoq isumaqarfineqarluni. Pilersaarutit malillugit inissinneqarnissaa kissaatigineqanngilaq sisorarfiusartup annertuumik innarlerneqarnissaa pinngitsoortinniarlugu. Majurtaat allatut inissinneqassasoq piumasarineqarpoq, taamaangippat nunagissaanikkut sisorarfigissaqqartoqartariaqartoq oqariartuutigineqarluni.

### Atuilluartuunissakkut kingunerisinnaasai

Aqqusineramik sisorartarfimmut pilersitsinerup kingunerissavaa imeqarfik aqqusaaqqaanngikkaluarlugu sisorartarfimmut apuuttoqartarnissaa.

Majuartaasiornissamut sisorartarfiullu annertusarsinnaaneranut atortussanik assartuinissaq ajornannginnerusumik ingerlanneqarsinnaanngussaaq.

Innuttaasut sisorarnermik pisuttuarnermillu soqutigisaqartut aqqummik nutaamik pitsaasumik pilersitsiffigineqassapput.

### Aningaasaqarnikkut allaffissornikkullu kingunerisinnaasai

Aqqusineramik talliliinissamut aningaasartuutaajumaartussat missingersorneqarsinnaalissapput aqqusineq sukkut qanorlu pilersinneqarnissaa kissaatigineqarnersoq aaliangerneqarpat.

Suliassamut aningaasanik sinaakkusiisoqarpat suliffeqarfinnut siunnersuisartunut suliassap misissuisoqarnissaa pilersaarusiorneqarnissaalu suliakkiutigineqarsinnaanngussaaq.

### Allaffeqarfiup naliliinera

Allaffeqarfiup aqqusineramik talliisooqarnissaata misissorluarneqarnissaa periarfissatsialattut nalilerpaa, pingaarnertut imeqarfiup aqqutitut atorneqarunnaarnissaa anguneqassammat.

Missingersuutitut sinaakktissat aalajangersarneqareerpata misissuineq aallartissinnaanngussaaq, aningaasaliisoqassappallu tulliukkumaarpoq aningaasaliissutit iluanni suliassap pilersaarusiornissaanut suliariumannittussarsiuussisoqarnissaa.

### **Innersuussut**

Teknikkeqarnermut ataatsimiititaliamut innersuussutigineqarpoq:

- 2021-imut missingersuutit aalajangerneqarnissaat utaqqineqassasoq.
- Aningaasaliissutissanut sinaakktissat ilisimaneqalerpata immikkoortoq qaqqineqassasoq.

### **Aalajangiineq**

Ataatsimiititaliap innersuussut akuersissutigaa, suliallu ingerlaqqinnissaanut innutaasut akuutinneqarnissaa kissaatigineqarluni. Suliniut 2021-mi missingersuusionermut ilanngunneqassaaq. Apussuarnut aqqusineq pilersaarusiornermut ilanngunneqassalluni

### **Ilanngussat**

1. Maniitsumi Sarfani sisorartarfiup ukioq kaajallallugu orninneqarsinnaanngornissaanut siunnersuut.
2. Sarfat - Oversigtsplan

**Imm. 04.1 Naalackersuisut Eqqagassalerinermut iliuusissatut pilersaarutaat 2020-2031 pillugu ilisimatitsissut.**

*J.nr. 27.03.01*

Tunuliaqutaq.

Naalackersuisut Eqqagassalerinermut iliuusissatut pilersaarutaat 2020-2031 inaarutaasumik akuersissutigineqarpoq saqqummiunneqarlunilu.

Saqqummiussami uani eqqagassalerinermut iliuusissatut pilersaarut saqqummiunneqartoq, ilanngussami 1-imi aammalu 2-mi kakkiiunneqartumiittoq pillugu ilisimatitsissutaavoq.

Maleruagassatigut tunngavigisaq:

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq-mi, maleruagassiivoq Namminersorlutik Oqartussat ukiut sisamakkaarlugit ukiunut tulliuuttunut 12-inut tunngaviumik eqqakkat passunnissaannut eqqakkanut iliuusissatut pilersaarusiussasut.

Pissutsit atuuttut

Eqqagassalerinermut iliuusissatut pilersaarummi, Naalackersuisut eqqaavilerinerup iluani anguniagaat nassuiarneqarput aammalu piffissami 2020-2031 Kommunit eqqakkanut pilersaarusiornermut igitassanillu passussinermut tunngavissanik sinaakkusiissaaq. Kommunini, Qeqqata Kommunian ilanngullugu, eqqagassalerinermut pilersaarutit Naalackersuisut eqqakkanik iliuusissatut pilersaarutaanut naapertuutissaaq. Eqqakkanut iliuusissatut pilersaarummut siunnersuummut, pingaartumik nuna tamakkerlugu eqqagassanut tunngatillugu ataatsimoorussamik eqqakkanut aaqqiisutissat atuutitinnissaannut 2018-mi septembarimi naalackersuinikkut ataqatigiissaarisooqatigiit ataatsimiinneranni, Naalackersuisunit Kommuninilu tallimaasuni borgmesterit isumaqatigiissutigisaat pingaarnertut immikkut qitiupput. Eqqakkanut iliuusissatut pilersaarummi pinngortitamut peqqissutsimullu akisussaassuseqartumik ataatsimoorussamik suliaqarsinnaaneq, sapinngisamillu pitsaanerpaamik eqqakkanik atoqqiisinnaaneq isumalluuteqarsinnaanerlu nassuiarneqarput.

Naalackersuisut eqqakkanut iliuusissatut pilersaarutip akuerineqarneranut atatillugu tusagassiutinut nalunaarummik ima allapput:

*"Eqqakkanut iliuusissanut pilersaarut 2020-2031 aqutigalugu Naalackersuisut kommunillu eqqagassalerineq suli pitsaanerulersippaat. Siunertat iliuusissallu nutaat eqqakkanut tunngatillugu mingutsitsinnngitsumik piujuaannartitsisumillu ineriartortitsinissamik qulakkeerinnissapput – tamanut iluaqutaasumik.*

*Eqqagassat eqqagassaannaangillat. Iginneqartut ilai atoqqinneqarsinnaasarpud. Allat atortunik sanaajupput atorneqaaqqissinnaasunik. Eqqagassat ikuallanneqartut avataanit kiassanermut aallerfittut atorneqarsinnaappud. Eqqakkat sapinngisamik pissarsissutiginerpaanissaat kiisalu peqqinnissamut avatangiisinullu illersorneqarsinnaasumik passunneqarnissaat eqqakkanut iliuusissanut pilersaarummi nutaami ukkatarineqarpoq.*

*Naalackersuisut kommunillu ukiuni arlaqalersuni eqqakkanut tunngatillugu pitsanngorsaatinik ingerlataqartarsimappud. Tamanna alloriarneruvoq siulleg. Eqqakkanut iliuusissanut pilersaarut 2020-2031 nutaanik pingaarutilinnik alloriartitsissaaq, Sulisoqarnermut, Ilisimatusarnermut Avatangiisinullu Naalackersuisoq Jess Svane oqarpoq.*

*Eqqagassanut tunngatillugu ukiuni tulliuuttuni iliuuserineqartussanut nuna tamakkerlugu ataatsimut eqqagassanut aaqqiissutissat tunngaviupput. Eqqagassanut ikuallaaviit nutaaliaasut Sisimiuni Nuummilu pilersinneqassapput eqqagassanik peqqinnissamut avatangiisinullu naleqquttumik ikuallaasarnissamik qulakkeerinnittussat. Ikuallaaviit atorineqarnissamut 2022-mi 2023-milu piareersimanissaat naatsorsuutigineqarpoq. Illoqarfinit nunaqarfinniillu eqqagassat poortorneqartassapput ikuallaavittaassanullu assartorneqarlutik, taamaaliornikkullu eqqagassat sineriammi eqaavissuarni galeriiatilernissaraluannik pingitsoortitsissallutik.*

*Nuna tamakkerlugu eqqagassalerinermik aaqqiissutissamik pilersitsinermut Avatangiisinut Aningaasaateqarfik aqputigalugu katillugit 50 mio. koruuninik tapiisoqarnissaa Naalackersuisut aalajangiiffigaat. Kommuni, ESANI A/S-imut peqataasuni, nuna tamakkerlugu ikuallaaviit avatangiisinut sunniutilimmik iluaqutaassapput.*

*Naalackersuisut kommunillu nuna tamakkerlugu ataatsimut eqqagassat pillugit aaqqiissuteqarnissamik 2018-imi isumaqatigiissuteqarput, kommunillu eqqagassanut suliffeqarfiutaat ESANI A/S pilersaarutinik piviusunngortitsiniarluni sulileruttorpoq. Nuna tamakkerlugu eqqagassanut aaqqiissut assigiimmik pisussaaffeqarfigineqarpoq, kommunillu ESANI A/S aqputigalugu isertitat aningaasartuutillu avitseqatigiissutigissavaat.*

#### Atuilluartuunissakkut kingunerisinnaasai

Eqqagassalerinermut iliuusissat pilersaarummi 2020-2031 suliniutigineqartut nuna tamakkerlugu eqqagassalerinermi annertuumik oqilisaanissaa siunertaavoq. Eqqagassalerinermut iliuusissat pilersaarummi aningaasanik kaaviiartitsinissaq eqqakkanillu atoqqiinerulernissaq siunertarineqarpoq. Eqqagassalerinermi immikkoortumi pitsanngorsaatissat pilersaarutaasut, taamaalillutik eqqagassat annikillisarneqarneratigut aammalu eqqagassat nukissat pitsaernerusumik atorineqarnerat ilanngullugu, avatangiisinik peqqissutsimullu tunngasunik qaffassaanermi, atuilluartumik ineriartornissamut Naalagaaffiit Peqatigiit nunarsuarmi anguniagaanik arlalinnik piviusunngortitseqataassapput.

#### Aningaasaqarnikkut allaffissornikkullu kingunerisinaasai

Eqqagassanik suliaqartarnermik annertuumik kivitsinerup aningaasaliinissamik pisariaqartitsinermik aammalu siunissami ingerlatsinissamut ingerlatsinermi aningaasartuutit qaffassinnaaratarnerannik kinguneqassaaq. Eqqakkanut iliuusissat pilersaarummut ataatsimut aningaasaqarnikkut kingunerisinnaasat aningasaliissutillu pilersaarummi ilanngussaq 1-imi saqqummiunneqarput. Ilaatigut kommuneqarfiit illoqarfiini nunaqarfiinilu tamani eqqakkanik suliaqarnissamut immikkoortiterinissamullu tigooraavinnik pilersitsinissamut aammalu toqqorsivinnik nakkutigineqartunik pilersitsinissamut aningaasaliinissamut pisariaqartitsisoqassaaq. Tamakku saniatigut sulisunik tigooraavinnik ingerlatsinissamut inniartitsinissamut aningaasartuutit qaffannissaat, kiisalu atoqqisarneq atueqqinnerlu pillugit suliniutinik ingerlatsinissamut sulisussanut aammalu eqqagassanik suliaqartarneq tamaat eqqarsaatigalugu, pitsannguinnissamut pilersaarusiornissamut allaffissornikkut aningaasartuuteqarnerulernissaq naatsorsuutigineqarsinnaavoq.

#### Allaffeqarfiup naliliinera

Allaffeqarfimmit nalilerneqarpoq, eqqakkanut iliuusissat pilersaarummut 2022-2031-mut siunnersuut ukiunut tulliuuttunut eqqagassalerinermi suliniutit iluini eqqagassalerinermi ineriartortitsinissamut kiisalu nuna tamakkerlugu ataatsimoorussamik eqqagassalerinermut aaqqiissuteqarnissamut maannakkut ingerlallualereesumut kommuninik ataatsimoorussamik ingerlatseqatigiiffiat ESANI A/S pilersinneqarnera angusaqarfiulluartumik aallaaviussasoq. Eqqakkanut iliuusissat pilersaarut sulianut suliassanullu tigussaasumik suliassanut suliniutinullu saqqummiussimmat sakkussat isigineqarsinnaavoq, kiisalu

anguniakkat ilaanni suliaasanut suliniutissanullu aningaasatigut kingunerisinnaasanut illikartinneqartunut kommuninit aamma Namminersorlutik Oqartussaniillu pisussaaffigineqarput.

### **Innersuussut**

Teknikkimut Avatangiisinullu Immikkootortap Teknikkeqarnermut Ataatsimiititaliamut Aningaasaqarnermullu Ataatsimiititaliamut Kommunalbestyrelsimullu akuereqqullugu innersuussutigivaa:

- Naalakkersuisut Eqqagassalerinermut iliuusissatut pilersaarutaat 2020-2031 pillugu saqqummiussaq tusaatissatut tiguneqassasoq

### **Aalajangiineq**

Innersuussut tusaatissatut tiguneqarpoq. Ataatsimiititaliamiit allaffeqarfimmiit pilersaarutigineqartussanik taavalu kommunimi suliaasanik assartuussinissamullu akisussaaffinnik sikusarneranullu tungasunik - ukiukkut suliniutit ilitsiviillu erseqqissaasoqarnissaa kissaatigineqarpoq

### **Ilanngussat**

1. Eqqakkanut iliuusissanut pilersaarut 2020-2031
2. Affaldshandlingsplan 2020-2031

**Imm.04.2 Nalunnguarfimmi kiisalu Siverthsenip/Adammip Aqqutaani tasinnguani naanerit.**

*J.nr. 81.04.03*

Tunuliaqutaq

Ukiorpaalunni Nalunnguarfik aasaanerani annertuumik naaneqartarpoq. Tamanna illoqarfiup takujuminartuunissaanut akornutaasutut isigineqartarpoq. Kommuniip sulisuinit kiisalu nammineq kajumissusilinnit naanernik paaanerit ingerlanneqartarnikuupput, tamannali sivikitsuinnarmik sunniuteqartarluni. Innuttaasunit ataasiakkaanit innuttaasuniillu suleqatigiissitanit aaqqiissuteqarnissamut periarfissaasinnaasut ujartorneqartarput, tamannalu Sivdleq'-kkut ilaatigut allaaserineqartarluni. Saqqummiussami matumani kemisk-iusumik kiisalu biologisk-iusumik tatsinik saliinissamik aaqqiissutit misissorneqarput. Illoqarfimmi saliinissamat atortunik kemisk-iusunik atuisoqarnissaanik innuttaasumit ujartuisoqarpoq, tamannalu aamma saqqummiussami matumani sillimaffigineqarluni.

Maleruagassatigut tunngavigisaq

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Pinngortitamik illersuineq pillugu Inatsisartut inatsisaat nr. 29, 18. december 2003-meersoq.

Pissutsit atuuttut

Nalunnguarfimmi kiisalu Adammip Aqqutaani aamma Karl Siverthsenip Aqqutaata ilaani tasinnguit annertuumik naaneqarput. Tamanna Kunuuteralap Aqqutaanit/Jaakunnguup Aqqutaanit kiisalu Qivittoqarfimmit imermik mingunnikumik kuutsitsinikkut qimmilivinniillu taseq inuussutissanik pilersorneqarnera patsisaavoq. Tamatuma saniatigut qeerlutuut arlaqartut taakkulu nerisinneqartarneratigut anaanit inuussutissamik pilersorneqarlutik. Imermik mingunnikumik kuutsitsisoqartuartillugu naaneqartuassaaq. Karl Siverthsenip Aqqutaa kiisalu Adammip Aqqutaa kuuffissualersoreerpata, ukiualuit qaangiunnerinit pitsanngorsaateqarnissaa naatsorsuutigineqassaaq. Piffissap ingerlanerani nunami inuussutissat katersuussimasut arriitsunnguamik aputip aakkiartorneratigut annertuumillu siallertarnikkut nungukkiartortussaammata. Tamatuma saniatigut illuutillit kuuffissuarmut attavilersinneqanngikkunik, kuuffissualersuineq iluaqutaanaviannngilaq. Naanernik paaassutaasinnaasunik tuniniakkanik nassaartoqarnikuuvoq, taakkulu sivikittuinnarmi sunniuteqartartuullutik. Ima paasillugu, aasap ingerlanerani arlaleriarlutik atoqqinneqassat. Qallunaat pinngortitamik illersuinissamat inatsisaani § 3-mi tatsinut 100m<sup>2</sup>-i sinnerlugu annertutigisunut atortussianik akikinnerpaanik atuinissamat akuersissummik qinnuteqaaqqaartoqartarpoq. Avatangiisinut Pinngortitanullu Immikkoortortaq Kalaallit Nunaanut utertinneqareermat, tamanna Kalaallit Nunaanni atuutinngilaq. Maleruagassami atortussiassat ulorianassusaanut tunngassuteqanngilaq. Qallunaalli nunaanni pinngortitap annikinnerungaatsiartup allanngortitsisinnaanerit killilersimaarnissaanut maleruagassat pilersinneqarnikuupput. Tamatuma saniatigut atortussianik atuineq Kalaallit Nunaanni maleruagassanut akerliusutut isigineqanngilaq. Atortussiassaq atorneqartussap pH-værði-ata 5,5 aamma 8,5 akornaniinnissaa innersuussutigineqarpoq, kiassutsillu 13 °C-ip sinnertillugu sunniuteqarnerusarluni, kiassuserli appasinnerutillugu aamma annikinnerusumik sunniuteqartillugu atorneqarsinnaalluni. Aasaanerani Nalunnguarfiup kissassusaa akunnalluni 4-7 gradit missaaniinnissaa naatsorsuutigineqartariaqarpoq. Tamanna tunngavigalugu kemisk-imik atortussiassat Danmark-imisulli, Sisimiuni sunniuteqarluarnissaat naatsorsuutigineqarsinnaanngilaq.

Saliinermut periusuinnaasoq alla tassaavoq, aasaanerani rodzoneanlæg, tassani Nalunnguarfimmit imeq naasut sorlaatigut ingerlatinneqassalluni, taamaalillunilu inuussutissartaasut naasunit

15

tigooraneqassallutik. Naanerit appasinnerpaafianiitinniarlugit saliiviup qanoq annertutiginiissaa misissorneqarnikuunngilaq. Sumiiffimmit ivikkat, orpikkat il.il. saliivimmi atorneqarsinnaapput. Imeq rodzoneanlæg-itigoorluni Nalunnguarfimmu utertinneqassaaq.

#### Atuilluartuunissakkut kingunerisinnaasai

Sumiiffimmi tatsip illoqarfimmilu tasinnguani inuusutissanik annertusaasumik mingutsitsineq pinngortitamut ajornartorsiortitsinerunngilaq, taamaallaalli illoqarfimmik takujuminarsaaniarnermut unammillernartuulluni.

Illoqarfiup immikkoortuilu aalajangersimasutut iluseqarnissaat kissaatigineqarpat, tassunga atatillugu aaqqiissutissarsionnissaq atuilluartuussaaq.

Tatsip tasinnguillu qanoq issusaasa imermik mingunnikumik kuutsitsisarnissamut qangaanerusoq akuersissuteqartarnerup kinguneraat. Kuuffissuarnut attavilernissamut innuttaasunik pisussaaffiliisoqanngippat, innuttaasut akuersissutaannik atorunnaarsitsisoqarsinnaanngimmat, allannguinnissamut piffissaq sivisoq atorneqassaaq.

Kuuffissualersuineq kiisalu nutaatut imermik mingunnikumik kuutsitsinissamut akuersisoqartannginneq avatangiisitigut peqqinnissamullu atuilluartuuneruvoq.

#### Aningaasaqarnikkut allaffissornikkullu kingunerisinaasai

Kemisk-imik akuutissalinnik atortussiassanik aaqqiissutip kiisalu biologisk-iusumik rodzoneanlægimik aaqqiissutip aningaasaqarnikkut ingerlatsinikkullu assigiinngissutaannik matumani nassuiaasiortoqarpoq.

Kemisk-iusumik atortussiassaq nassaarineqartoq Pond Relief-imik taaguuteqarpoq. Nalunnguarfiup annertussusaa tunngavigalugu ullumikkut ataasiarluni saliineq 172.000 koruuninik naleqarpoq. Tamannalu aasap ingerlanerani ullut 30-kkaarlugit salinneqartassaaq, tassa pingasoriapajaarluni. Pitsaasumik ilteqartumi atortussiassaq sunniuteqarluarnerusarpoq, taamaalliluni saliinnermut atatillugu silaannalersuuteqarluarnissaa innersuussutigineqarpoq. Atortussiassanik assingusunik allanik nassaartoqarnikuuvoq, taakkuli akisunerupput.

Akip qaffasinneranut nunani kiannerusuni illup eqqaanni tasinngualiani, park-ini golfertarfinnilu tasinnguani kiisalu golfertarfinni akulikitsumik atorneqartarneranut attuumassuteqarpoq. Illup eqqaani tasinngualiaq anginerusoq 20 m<sup>2</sup>-itut annertutigisinnaavoq, aasallu ingerlanerani pingasoriarluni imaluunniit sisamariarluni salinneqarnissaa 225 koruunit missaanik akeqarsinnaalluni.

Nunatsinni rodzoneanlæg siusinnerusukku misilinneqarnikuunngilaq, Danmarkimiillu nunarsuarmilu nunanit allanit assersuutit ilanngussaq 3-mi takuneqarsinnaapput. Nalunnguarfimmu rodzoneanlæg-iliinissamut siunnersortimut akip 150.000 koruunit missaaniinnissaat nalilernerqarpoq, tassa siunnersortimik immikkut ilisimasalimmik Danmarkimiit tikisitsisoqartariaqarmat, tassani uuttuinerit suliniummillu suliaqarnermik ingerlatitsisussaassalluni. Sanaartornermut atatillugu maskinalersuinerit saniatigut nunamik suliaqarnermik kinguneqassaaq, aasaanerani imermut ruujorilerineq ilanngullugu, maannamullu nunami suliaqarneq pisiniarnerlu ilanngullugit 700.000 koruunit missaanik naleqarnissaa naatsorsorneqarluni. Taamaattorli nunatsinni assingusunik suliniutinik allaffeqarfik ilisimasaqanngimmat, siunnersuisup suliniut suliarisimasaa naapertorlugu naatsorsugaq nalimmassarneqassaaq.

Siusissukku suliniummik aallartisaanermut atatillugu, taamaallillunilu tatsimi naanernut ajornartorsiutinut rodzoneanlæg aaqqiissutaasinnaaneranut siusissukku misissuinissamut atatillugu, 2021-mi illoqarfimmik takujuminarsaanissamut aningaasaatinit, suliniummut/misissueqqaarnissamut aningaasaliisoqarsinnaavoq. Illoqarfimmik takujuminarsaanissamut aningaasaliissutit 2020-mut agguanneqareerput. Siunnersortip suliniummut suliarinninnissamut siunnersuinerup missingiliutitalerlugu naammassinnereerpat, 2022-

mut sanaartornissamat kissaatitut suliarinninnissamat missingersuut ataatsimiititaliamut qinnutigineqarsinnaavoq.

Siunertamat ullumikkut pissutsit ilisimaneqannginnerat patsisaalluni nalornissutai patsisaallutik, suliniut ingerlatsinerlu ilanngullugit katillugit 850.000 koruuninut missiliorneqarsinnaalluni, allatigut siunertamat immikkut aningaasaliisoqarnissaanik pisariaqartitsisoqassaaq.

#### Allaffeqarfiup naliliinera

Nalunnguarfik kemisk-it atorlugit saliinissamat aki qaffasippallaarujussuarpoq, ataavartumillu saliinerit ingerlanneqanngippata sivisunerusumik sunnuteqarnaviarani, taamaalillunilu aningaasartuutit qaffasippallaarujussuassallutik. Taamaattumillu kemisk-imik saliisarnissaq allaffeqarfimmit innersuussutigineqarsinnaanngilaq.

Siunissaq ungasinnerusooq isigalugu Nalunnguarfiup eqqaatigut kuuffissualersuinissaq pitsaanerullunilu atuilluarnersuaq, takujuminarsaanermullu sanilliullugu peqqinnissakkut inuiaqatigiinnullu annertunerusumik iluaqutaanerussalluni.

Kuuffissualersuineq akisuvoq, ukiunilu arlalinni sanaartornerit ingerlassallutik. Pingaarnertut kuuffissuit pilersinneqareernerisa kingorna, inoqutigiit kuuffissuarnut nutaanut attavilersinneqassanersut kuuffissuarlersuinermit apeqqutaassapput. Taamaattumillu naanernik ajornartorsiuteqarneq iliuuseqarfigipallannissaa pingaarnersiorneqassappat, siunissaq qaninnerusooq eqqarsaatigalugu, naapertuuttumik aaqqiissutissarsiorneqassaaq pisariaqarpoq. Utaqqiisaarutaasumik aaqqiissut rodzoneanlæg-iussinavaoq, tamannalu nunatsinni siullersaassalluni.

Imeq tatsimut uterteqqinnissaa eqqarsaatigalugu, Nalunnguarfiup eqqaani inissiiivissatut piukkunnartumik siunnersorti ujaasisariaqassaaq. Inissiiiviusinnaasutut periarfissat ilanngussaaq 3-mi takuneqarsinnaapput. Periarfissaasinnaasut tassaapput Taseraliup kangiatungaani Sisorarfik imaluunniit immikkoortut eqqaaniittut, siunnersortip naliliiffiginersinnaasai.

Nalunnguarfiup eqqaani rodzoneanlæg sanaartornermut aningaasartuutit saniatigut, aserfallatsaaliinermut ingerlatsinermullu aningaasartuutit annikinnerullutik ukiumut 50.000 koruuninut missiliorneqarput. Ingerlatsineq tamanna Sannavimmit isumagineqartassaaq. Inissaqarluassaaq, ukiuuneranilu sammisaqartitsinernut sanaartugaq ajoqutaassanani, aasaaneranimi sammisaqartitsinernut akornutaanaviannngilaq.

#### **Innersuussut**

Teknikkeqarnermut Ataatsimiititaliamit akuereqqullugu Teknikkeqarnermut Avatangiisinullu Immikkoortortap innersussutigivaa, Nalunnguarfimmi rodzoneanlæg-issamat siunnersortimut suliniummut 150.000 koruuninik immikkoortitsisoqassasoq, aningaasat ukioq missingersuuteqarfiusumit 2021-mit atuiffik 76-06 ”illoqarfimmik takujuminarsaaneq”-mit tiguneqassapput, Nalunnguarfimmi naanernik ajornartorsiummut inaarutaasumik aaqqiissutissarsiorneqassaaq 2021-miillu suliniuteqarnissamat siunertaqarluni. rodzoneanlæg-ip suliarineqarnissaanut aningaasaliinissaq, suliniutiliortup sanaartorsinnaaneranut annertussusissaanullu naliliinissaa utaqqimaarneqassaaq, 2022-mullu ataatsimiititaliap sanaartornissamat kissaataanut ilanngunneqarsinnaalluni.

## **Aalajangiineq**

Ataatsimiititaliap innersuussut akuersissutigaa, allaffeqarfiullu Maniitsumi tatsini quajaatit ilaannik annerusumik pilersaarusiornissaanik piumasaqaateqarluni

## **Ilanngussat**

- 1 Pond Relief produktinfo/nioqqutip paasissutissartai
- 2 Nalunnguarfiup eqqaani rodzoneanlæg-ip inissiivigineqarnissaanut piukkunnartut assingi.
- 3 Danmarkimi rodzoneanlæg-imut assersuut

### **Imm. 04.3 2020-mi akigititat Teknikki Pilersuinerlu**

*J.nr. 06.01.01*

#### Tunuliaqutaq

2021-mut missingersuutit akuerineqarnissaanut atatillugu kommunip ukiumut akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkimut Avatangiisinullu Immikkoortortap ataani akigititat Teknikkimut Avatangiisinullu Ataatsimiititaliamut atuupput.

Akit pissutsinut atuuttunut naapertuunnersut qulakkeerniarlugu akit ataavartumik nalilersorneqartarput.

#### Maleruagassatigut tunngavigisag

Missingersuutit akuersineq ilutigalugu akigititat akuersissutigineqartussaapput, ukiumilu missingersuusiorfiusumi atuutissallutik.

#### Pissutsit atuuttut

Tassani TAI ataani atuiffimmut akigititani allannguutissanut siunnersuutissanut tunngavissanik pilersitsisinnaasunut akit oqaasertaliussassallu ataani ingerlanneqarput. Ilangussaq 1-miittut tassapput Kommunip 2020-mi akigititai. Allannnguutit aappalaartumik allaqqasut tassaapput Teknikkimut Avaangiisinullu immikkoortortaqaqarmmit allannguutissatut siunnersuutit pisariaqartinneqartut.

Eqqaavilerineq pillugu UT 07.19 imm. 02-mi matoqqasumik ataatsimiinnermi, eqqaavilerinermi anartarfilerinermilu akigititat allanngortinnissaanut siunnersuummik, kiisalu eqqagassanik allanik suliaqarnermi akigititap 10 procentimik qaffanneqarnissaanik akuerisassanngorlugu innersuussisoqarnikuuvoq.

Kommunip eqqagassalerinermut aaqqissuussaa aallaavigalugu innuttaasut eqqagassaataannik katersineq kiisalu ikuallaavimmi eqqagassanik ikuallaasernerup akornani maannamut akigititat toqaannartumik attuumasuteqanngillat. Ukiut ingerlanerini ikuallaavik atuivallaartumik inissisismavoq, tassani missingersuutitigut eqqakkanut akitsuutiniit kiassarnermullu tunisinermit isertitat isumalluutaasimammata.

Eqqakkanik imaarsinermi akiliutaasartut ima inisinneqarnikuupput, kommunip isumaqasiorfigisaanut entreprenørimut akiliuteqarnermi aningaasartuutitut matussusiiisuullutik. Qaffaaneq kingusinnerusukku eqqagassalerinermi eqqakkanillu ikuallassinnaasunut poortuutissanut aningaasartuutitut matussusiiusuusaaq.

Anartarfinnik imaarsinermi akiit suliarinnittussatut akisussaasumut suliariumannittussarsiuunneqareernerani atuutissapput. Anartarfinnik imaarsinermut kinguneranilu eqqarneqarnissaannut isumaqatigiisummut aningaasartuutit, katersinermi tamatumalu kingorna eqqaarneqarneranut entreprinørinut kommunip akiliutigisartagaa ataaterujussuarppaa.

Akit allannguutaat eqqaavilerinermut anartaajaalerinermullu kiisalu ikuallaavimmut akitsuut takuuk ilangussaq 1 - 2021-mi akinut siunnersuut. 2020-mut akit qernertumik silitumik allasimasut aammalu saamimmi uani aappalaartumik allasimasut 10 procentimik qaffaanermit allannguutaapput.

Anartarfilerinermi akigititat pillugit tapiliussami anartarfiit puussiartaat ulikkaarsimasut toqaannartumik anartarfilerinermi imaarsiviup eqqaanut inisiisarnermi innutaasunut, meeqqerivinnut inuussutissarsiorfinnullu akeqartitsinissaq TAI-mit pisariaqartutut isigineqarpoq. Amerligaluttuinnartut puussianik ulikkaaqasunik tunniussiinnartalerinikuupput eqqarneqarqinnissaanut kommunip akiligassaliorinnaangisaanik. Taamaalilluni anartaajaalerivimut toqaannartumik tunniussinermi

19

**Teknikkeqarnermut ataatsimiititaliap august-ip 10-ani 2020 ileqqusumik ataatsimiinnera 05/2020  
imaqarniliaq**

| Angissusaa | Ukiumut aki |
|------------|-------------|
| 0-6m       | 1800        |
| 6-8m       | 2500        |
| 8-10m      | 7500        |
| 10-12m     | 8.500       |

puussiaq ataaseq 5 koruuninik akiliilluni tunniussisinnaanerup ammaanqarnissaa siunnersuutigineqarpoq.

Kommunip umiatsiat taleqqasarfiinik, nunami inissiivinnik attartornermi akigitat akinut kukkusumik ilaatinneqanngillat. Akinut tapiliussatut taanna inissinneqassaaq.

Uani akinik allannguinerunani akinut ilaatinneqaannassaaq.

Aalisartunut piniartunullu aningaasaliissutitut atatillugu umiarsualiviup qinnguani puttasunik nutaanik pisinissaq inissiinnissarlul suliniutigineqarpoq. Nutaanik puttasuliinermi inuutissarsiutigalugu aalisartunut/piniartunut kiisalu allanut inuutissarsiortunut puttasumi inissamik attartornissaq periarfissaalissaaq. Tamanna umiarsualiviup qinnguani pissutsinut ukiorpassuannortuni eqqartorneqartartumut pitsanngorsaataanissaanut qulakkeerinnittusaaq.

Aningaasaliissutiniit nutaanik puttasuliinissami Sisimiut kangiatungaani Kangerluarsunnguami kommunip puttasuutaanik nutaanik puttasuliinissanaeq aamma ilaavoq. Umiarsualiviup qinnguani puttasut nutaat akiliuteqarluni atorneqarsinnaasunut sanilliullugu Kangerluarsunnguami puttasut kikkuniilluunniit akiliuteqarani atorneqarsinnaapput. Assigiinngissutaa tassaavoq umiarsualiviup qinnguani puttasut parnaarneqartassammata aammalu akiliuteqarluni umiatsianut inissiineq. Umiarsualiviup qinnguani umiatsianik inissiinermut akip aalajangiunnissaanut tullinguuttutigit akit malillugit akigitatassatut siunnersuutaapput:

Inissanut 42-t tungaanut attartortitsisinnaanissamut puttasut pisiarinqarput, umiatsiaaqqat angissusii apeqqutaalluni.

Umiatsiaaqqat angissusii aallaavigaligit inissat agguataagaapput attartornermi umiatsiaaqqap umiatsialluunniit angissusaanut akigitatassaq naatsorsuussaalluni.

Qulaani eqitsimmi angallatip angissusia malillugit akip annertussusia takutinneqarpoq. Umiarsualiviup qinnguaniinnaq puttasut inisinneqartussanut kisimi akiuvoq.

Isertat allaffissornermut, iluarsartuussinernut kiisalu puttasut aqqarnerinut qaqinnerinullu aningaasartuutitut matussuseeqataassapput. Tassani attartornermut isumaqatigiissusiornikkut puttasunut isersinnaanissamut matuersaat tunniuneqarsinnaalissaaq. Ukioq manna puttasut pisiarinqassapput 2021-mullu missingersuusiortifiusumi atorneqalersinnaalissallutik – sikuerunniariartoq - kiisalu Kangerluarsunnguuaq eqqarsaatigalugu ajornartitsissanngippat.

Aningaasaliissutini taakkunaniit siullertut Sarfannguani aalisartut piniartullu piniutitut quiniq pilersitsissapput. Maniitsumi queqarnermi tunngaviit malillugit aalisartunut piniartunullu quit attartortinneqartassapput.

Akinik aalajangiiniarnermi Maniitsumi "queeqqamik" attartornermut akigititaq aallaavigineqassaaq. Aki 950 kr./ukiumut

Asfaltimik killuinermit maskiinat inuttalereerlugit attartortittakkat aamma immikkut aquttulernagit attartortissinnaanerut innersuussutigineqarpoq.

Inuttalereerlugit aki 520 kr/akunnermut

Nalilerneqarpoq immikkut aquttoqartinnagu ullormut attartortitsinermi ullormut aki 600 koruuniussasoq.

Kommunip kuuffissuarnut misissuutaata attartortinnerani aki ullormut 900 koruuniniit aquttoqartinnagu akunnermut 200 koruuninut allanngortinneqassasoq.

"Illoqarfimmi tupersuup" 6x10 meteriusup ikkussornissaa peernissaalu sannavimmi sulisunit isumagineqartassasoq. Ullumikkut aki 4.967 koruuniuvoq. Uani qanoq sivilutigitsumik attartorneqarsinnaanera eqqaaneqanngilaq. Akiusumut tassunga ullormi ataatsimi tupersuup ikkutereerlugu attartornermi akiusup atuunnissaa innersuussutigineqarpoq.

Tassunga atatillugu illoqafiup avataaniit tupersuup attartorsinnaanissaa apequtigineqartarpoq. Tupersuaq nunaqarfimmut assartorneqarnikuuvoq kingullertigullu aamma DYE 1-imi cykeleventeqarnermi. Qulaani aaqqissuisunut taaneqartunut ulluq unnuarlugu 1000 koruunit isumaqatigiissutigineqarput – tulluurtutut nalilerneqartumik.

#### Atuilluurtuunissakkut kingunerisinnaasai

Entreprenørinut sullinneqarnermut akiliisarnermut nalimmassaataasumik akigitaqassappat, innuttaasunit tamanut imaluunniit suliffeqarfimmut akigititanit isertitanit kommunip aningaasartuutai nalimmassarneqartariaqaraluarput.

#### Aningaasaqarnikkut allaffissornikkullu kingunerisinaasai

Una innersuussut eqqaavilerinermi anartarfilerinermilu kisimi tunngassuteqanngilaq, aammali Sisimiuni eqqagassanik suliaqarnerup sinneranut, eqqagassalerinermi pilersaarutikkut anguniagaammat eqqagassanik suliaqarneq immikkut aningaasartuuteqassanngitsoq, taamaalillunilu eqqagassanik suliaqarnermut tunngatillugu naleqassusaa tamarmi isigineqarluni, uani immikkoortortanit 562040400 – SIS Ikuallaavik aamma 562040700 - SIS Eqqagassalerineq/Anartaarfilerineq-miit ingerlanneqartussamik. Qeqqata Kommunianut eqqagassalerinermut pilersaarut politikikkut akuerisaasoq anguniagaqarpoq "mingutsitsisoq akiliissaaq", taamaalilluni eqqagassalerinermik suliaqarneq tamarmi immikkut aningaasartuutaanngitsumik ingerlanneqassalluni.

Isertitanut sanilliullugu aningaasartuutit tulluarsarneqarnissaat pillugu anguniakkat anguneqarnissaasa tungaanut, akitigitanik ukiut tamaasa 10 procentimik qaffaasarnissamik aammattaaq kommuni ileqqoqarpoq.

Toqqaannartumik anartarfiit puussiartaannik anartarfilerivimmukaassinermut akip ataatsimoortissinnaanissaaq pisariaqarpoq. Tassani takuneqarsinnaavoq soorlu Kangerlussuup Simiullu akornanni aqqusinniornermut tunngatillugu sammisat allat aamma aallartinneqartut, tassunga atatillugu aqqusineq sinerlugu illuaqqniit inuutissarsiutigaluguluunniit ingerlanneqartuniit ananik eqqaanermut malitassat aalajangersarneqarput. Tassani anartarfinniit annartarfit puussiartaanik eqqanisamut akinut periusissanullu aalajangersagaqarnissaaq pisariaqartoq.

Umiarsualiviup qinnguani puttasuni attartornermut akit aalajangiussat missingersuutitut sunniuteqartussaannngittussatut nalilerneqarpoq, tassa isertitassatut naatsosuutigineqartut allaffissornermut, iluarsartuussinermut allanulu passussinermut naleqqatigiinnartussaammata. Missingersuutit immikkoortup 562040800-p ataani – SIS Ingerlatsineq Teknikki – ”umiarsualiviit aamma umiarsuit angallannerat” ingerlatsinermut missingersuut 111t koruuniuvoq. Aningaasat ilaatigut puttasut qaqinnerinut aqqarnerinullu, ullumikkut akeqanngitsumik ingerlanneqartartumut atorneqassapput. Tassani aningaasat umiarsualerivimmut attuumassutilinnut, soorlu umiarsualerivimmi kraninut, qammaqqutinut allanullu ingerlatsinermut tunngasunut atorneqassapput.

Asfalterissutit attartortinnerinut akiusoq aningaasaqarnikkut kinguneqartitsissanngilaq, taamaattorli kiffartuussinermut eqaatsitsissalluni, aammalu sannavik suliamut ingerlatsisussamik pissarsiortariaqassanani.

Illoqarfiup tupersuanik attartortitsinermit akiusoq aningaasaqarnikkut kinguneqartitsissanngilaq, taamaattorli kiffartuussinermit eqaatsitsissalluni.

#### Allaffeqarfiup naliliinera

Pingaarnertut akigititat tassaapput eqqakkanik anartarfiillu puussiaanik katersisarnermut kommunip aaqqitaanut akiusut. Isumaqaatigiisutip nutaap 1/1-2020-imi atuutilenerani kingusinnerusukkullu allannortissinnaaneranut imaluunniit katersinertut assingusumik aqqissuussinerup ukiut tamaasa nalimmassartariaqartut nalilerneqarpoq.

Puttasunik ingerlatsinerup aningaasartuutaannginnissaanut, puttasut ingerlaneqarnerinut aningaasartuutit kommunimit matussuserneqarnissaanut akit matussusiisussatut nalilerneqarpoq, soorlu aamma Kangerluarsunnguami puttasut missingersuummi tassani ilaassasut.

#### **Innersuussut**

Teknikkeqarnermut Avatangiisinullu ataatsimiititaliamut innersuussutigineqarpoq, atuiffik 2 Teknikkimut aamma atuiffik 6 Pilersuinermit immikkoortuni 2021-mut akigititassatut siunnersuut akuersissutigineqassasoq.

Eqqaavilerinermit anartarfilerinermilu akigititanik qaffaaneq, kiisalu nalinginnaasumik eqqagassanik suliaqarnermi 10 procent akuersissutigineqassasoq, taamaalilluni maannakkut tamakkiisumik missingersuutitut tunngatillugu eqqaavilerinermit anartarfilerinermullu aamma eqqagassalerinerup sinneranut missingersuutit tamakkiisumik immikkut aningaasartuutaassanngitsut.

Nunaannarmiit anartaajaalerivimut toqqaannartumik tunniussinermit puussiamut ataatsimut 5 koruuninik akiliilluni tunniussisinnaaneq ammaanneqassasoq.

Umiarsualiviup qinnguani puttasuni inissamik attartornermit akigititanik pissutsit atuuttut ataani nasuiarneqartut naapertorlugit aalajangersarneqassasut.

Sarfanguani quimik attartornermit aki Maniitsumi ukiumut akigititaq 950 koruuni malillugu aalajangersarneqassasoq.

Asfaltinut killuummut aki aquttoq ilanngullugu ulloq unnuarlu 520 koruuninut aquttulernagu ullormut 600 krouuninut allnngortissasoq.

Kommunip kuuffissuarnut misissuutaata aquttoqartinnagu attartortinneranut aki ullormut 900-koruuniniit akunnermit aquttoqartinnagu attartornermi 200 koruuninut allannngortinneqassasoq.

"Illoqarfiup tupersuata" attartortinnerani akigititaq – ulloq unnuarlu attartornermi napparnera piiarneqarneralu ilanngunnagu ulloq unnuarlu 1000 koruunit ilanngunneqassasoq.

#### **Aalajangiineq**

Ataatsimiititaliamit akuersissutigineqarput:

- Sarfanguani quimik attartornermit akigititaq akuerineqarpoq
- Asfaltinut kiliummik attartorneq aquttulerluni ullormut 520 koruunimiit aquttoqarani nalunaaquttap akunneranut 600 koruunimut qaffanneqarnissaa akuerineqarpoq.

- Kuuffinnut assiliivinnik attartornermut aki aquttoqarani ullormut 900 koruunimiit aquttoqarani nalunaqquttap akunneranut 200 koruunimut allangortinneqarnissaa akuersissutigineqarpoq.
- Illoqarfiup tupersuaanik attartorneq nappartitsinani paaatitsinanilu ullormut 1000 koruuneqarnissaa akuersisoqarpoq.

Ataatsimiititaliap nangaassuteqartumik akuersissutigaat:

- Eqqaavilerinermut anartarfilerinermullu akit 10%-imik qaffanneqassasut, nunaqarfiit minillugit.

Ataatsimiititaliap itigartitsissutiga tulliuuttut:

- Nunaannarmmi puussiaq ataaseq 5 koruunilerlugu pisinnaanissaq. Takussutissat annikippallaarput, aamma aalajangiisoqassappat innutaasut tusarniaaffineqarnissaat kissaatigineqarpoq.
- Inuussutissarsiortut soorlu najugarisami piniartut aalisartullu peqatigiiffii tusarniaaffigeqqaartinnagit puttasunut akit akuerineqarsinnaanngillat.

Ataatsimiititaliap immikkoortoq Aningaasaqarnermut ataatsimiititaliamut inaarutaasumik akuerineqartussanngorlugu nassiuppaa

## **Ilanngussat**

1. 2021-mut akigititassatut siunnersuut

**Imm.5.1      Tuttunniarnissamut aamma umimmanniarnissamut 2020-mi aasaaneranut aamma ukiaaneranut pisassiissutit piffissaliussallu tusarniutigineqarnerat.**

*J.nr. 66.16*

Tunuliaqutaq

Allakkatigut 27. maj 2020-meersut aasaanerani ukiaaneranilu 2020-imi piffissaliussat piniarfiusussat, tuttuttassiissutit kiisalu umimmattassiissutit pillugit siunnersuutit Aalisarnermut, Piniarnermut Nunalerinermullu Naalakkersuisoqarfimmit tusarniutigineqarput.

Tusarniummut ilaatinneqarpoq 2020-mi tuttunniartitsinissamut umimmanniartitsinissamullu biologit siunnersuinerat. Pinngortitaleriffiup allagaa 15. maj 2020-meersoq.

Maleruagassatigut tunngavissat

-Umimmaat illersugaanerat piniagaanerallu pillugit Namminersorlutik Oqartussat nalunaarutaat nr. 8 27. juni 2013-imeersoq

- Tuttut nujuartat illersugaanerat piniagaanerallu pillugit Namminersorlutik Oqartussat nalunaarutaat nr. 7, 27. juni 2013-imeersoq

Pissutsit atuuttut

Tuttut:

Tuttunik piniarfik 2 aamma piniarfik 3-mi imatut piffisat piniarfiusussat tusarniaassutaapput:

Piniarfik 2 (Sisimiut-Kangerlussuaq):

Inuussutissarsiutigalugu piniarneq 1. august–31. december

Sunngiffimmi piniarneq: 1. august–31. oktober:

Piniarfik 3 (Maniitsumiit Nuup kangerluanut):

Inuussutissarsiutigalugu piniarneq 1. august–31. december

Sunngiffimmi piniarneq 1. august–31. oktober.

Umimmaat:

Maniitsup aqutsivia:

Inuussutissarsiutigalugu aamma sunngiffimmi piniarneq: 15. august–15. oktober

Sisimiut aqutsivia:

Pisassiissutit: 400

Inuussutissarsiutigalugu aamma sunngiffimmi piniarneq: 1. august–15. oktober

2020-mi tuttunniartitsinissamut umimmanniartitsinissamullu biologit siunnersuinerat, Pinngortitaleriffiup allagaani 15. maj 2020-meersumi

Pinngortitaleriffik imatut innersuussuteqarpoq:

”Maniitsumi 2018-imi qulimiguulik atorlugu tuttunik kisitsisoqarmat umimmaat ilanngullugit kisinneqarsimapput. Umimmaqassuseq 20.334-it miissaanniissangatinneqarpoq.

Ukiuni 2000-imiit 2020-mut nunakkut umimmaat amerlassusiisa ikinnerpaaffilerneqarnissaat anguniarlugu kisitsinerni (nunap ilaannaani aalajangersimasumi) maluginiarneqarpoq umimmaat siammasinnerulersimasut, eqimattakkuutaat, umimmaaqqat procentingorlugu amerlassusaat takkussuuttullu nutaat ikinnerulersimasut.

Tamanna umimmaqassutsip appariaateqarsimaneraniq isumaqarsinnaavoq. Umimmaat ukiunut siuliinut naleqqiullutik piaqqiornikinnerulersimapput. Arnavissat nuliunerup nalaani

piaqqiornikinnerulersimanerannut timimikkut qasujaappallaarunnaarsimanerannik piaqqiornissaallu

sioqqullugu piniartitsisoqartarneranit akornusersorneqartarsimasinnaanerannik peqquteqasimasinnaapput. Taamaattumik umimmanniartitsinissaq augustip 15-ianiit aallartittariaqartoq Pinngortitaleriffimmeersunit innersuussutigineqarpoq. Taamaalinerani arnavissat nuliulinnginnerminni timimikkut gasujaallisimaarnerussammata minnerunngitsumillu naartulersinnaanissaminut periarfissarissaarnerulersimassallutik”.

Allaffeqarfik Qeqqata Kommuniani aalisartut piniartullu peqatigiiffiit, nunaqarfinni aqutsisunut, sunngiffimmi pinialuttartut peqatigiiffiit e-mail-ikkut tusarniaavoq. Illoqarfimmi nunaqarfinnilu allagarsiinikkut tusarniaasoqarnera aamma ilisimatitsissutigineqarpoq. Akissuteqaatit tigusimasagut ukuninngaaneerput:  
Kangaamiuni aalisartut piniartullu peqatigiit  
Kangaamiuni nunaqarfinni aqutsisut  
Maniitsumi aalisartut piniartullu peqatigiit  
Maniitsumi sunngiffimmi pinialuttartut peqatigiiffiit  
Nunaqarfinni aqutsisut Atammik/Napasog  
Sisimiuni saniatigooralugu piniarnermik allagartallit peqatigiiffiat ”Nattoralinnguaq.

Akissuteqaatit bilag-ini atuarneqarsinnaapput. Peqatigiiffiit tusarniaanermut akissuteqartut tamarmik nalunaarutigivaat Maniitsup aqutsivianni umimmannik piniarnerup aallartinissaata 15. august-imut kinguartinneqarnissaa akerleralugu. Peqatigiiffiit ilaasa allakkaminni annertuumik akerliunertik nalunaarutigivaat. Ileqqut, kulturi innarlerneqassammat. Meeqqat atuannigffeqarnerminni umimmannik iluaquteqarnermi peqataasarnerat ilinniartinneqarnerallu innarlerneqassammat, ilaqutariit ataatsimoorlutik piliniartarnerat ukiussamullu nukissanik katersisarnerat innarlerneqassammat. 15. august missaani siallertalersarmat unnuakkullu nillertinnerulluni taamaalinerani panertuliniarneq aallartinneqarneq ajormat silamik peqquteqartumik. Pinngortitaleriffiup inassuteqaatimini tunngavilersuutai paasiuminaatsinneqarput isumaqatigineqaratillu. Allaffeqarfiup ilisimavaa Maniitsumi atsiortitsinernik ingerlatsisoqartoq Maniitsup aqutsiviani umimmaat piniagaalernissaasa kinguartinneqarnissaannik akerliusunit.

Tuttut piniagaanissaannut tunngatillugu akissuteqaatini taamallaat Sisimiuni saniatigooralugu piniarnermik allagartallit peqatigiiffiat ”Nattoralinnguaq” akissuteqarpoq piniarfik 2-mi tutut piniagaanerisa sivilissusissaannik siunnersuuteqarlutik. Inuussutissarsiutugalugu piniartut peqatigiiffiit akissuteqartuni tutut piniagaanissaannik tunngasunik oqaaseqaateqartoqanngilaq.

[Atuilluartuunissakkut kingunerisinnaasai](#)

Allaffeqarfiup naliliinera:

Allaffeqarfiup nalilerpaa Maniitsup aqutsiviani umimmaat 2018-mi kisitsinermi 20.334-nut pallinneqartut(estimat) amerlasuutut nalilertariaqartut.

Pinngortitaleriffiup innersuussutimini paasissutissanik qularnaatsunik paasissutissiingitsoq Allaffeqarfiup nalilerpaa.

Umimmaat piniagaasalermatali 1. august piniagaalertarsimasut aasaq manna ullunik 14-nik kingusinnerusukkut piniagaalissappata, taamatut annertutigisumik allannguisoqassappat, tamanna Pinngortitaleriffimmit paasissutissanik sukumiinerusunik tunngaveqartariaqartoq Allaffeqarfiup nalilerpaa. Matumani Pinngortitaleriffimmit inassuteqarnermi paasisissutissiissutit taamaassorinninnernik ilimatsaassinernik taaneqarsinnaanerusut Allaffeqarfiup nalilerpaa.

Allaffeqarfiup nalilerpaa umimmannik piniarnerup aallartinnissaanik kinguartitsineq aasakkut atuisuusunit ukiuni amerlasuunngortuni ileqquulersimasoq ilaqutariillu inuussutissanik pissarsiniarneranni annertuumik iluaqutaasoq taamatut tassanngaannartumik allanngortinniarneqarnera akueriuminaatsoq; aamma atuisut tusarniaanermi akissuteqartut tamarmik akerleralugu nalunaaruteqartut. Allaffeqarfiup nalilerpaa tutut 1. august piniagaalertussaammata umimmaat 1. august-imiit 15. august tungaanut sunniutilimmik eqqissisimatinneqarsinnaanerat piviusorsiornerunngitsoq tutut piniagaaneranni umimmaat aamma akornusersorneqarlutik sunnerneqartussaammata. Taamaammat umimmaat piniarneqanngikkaluartut piniarneqannginnerisa sunniutissaa Pinngortitaleriffiup inassuteqaataata siunertaanut naammassinninnaviannngitsoq Allaffeqarfiup nalilerpaa.

Allaffeqarfiup nalilerpaa Kangerlussuarimi umimmannik iluaquteqarneq ukiamut isumasioqatigiinnermi susasaqartunit tamanit eqqartorneqartariaqartoq tamanna pereerpat siunissami iliuusissat aalajangersarneqassammata.

Allaffeqarfiup nalilerpaa Qeqqata Kommuniani innuttaasut amerlasuut matumani kinguartitsiniarnermut annertuumik akerliusut aamma Allaffeqarfiup nalilerpaa Pinngortitaleriffiup innersuussutimini tunngavilersuutai naammannngitsut taamatut annertuumik allannguinnissamut tunngavigissallugit.

Allaffeqarfiup nalilerpaa siunnersuutigalugulu Qeqqata Kommunian tusarniaanermut akissuteqaatimini nalunaarutigissagaa Maniitsup aqutsiviani umimmaat piniagaalernissaannik ullunik 14-inik kinguartitsiniarneq Qeqqata Kommuniata akuerinngikkaa. Nunaqavissut aasakkut umimmannik iluaquteqarnerat, inuussutissanik pilersornerat, innarlerneqassammata tamannalu ilaqutariinnut amerlasuunut eqquisussaammata.

Qeqqata Kommuniata nalilerpaa Pinngortitaleriffiup innersuussinermi tunngavilersuutai amigartut naammaginngitsullu taamatut annertuumik allannguinnissamut tunngavigissallugit.

Akissuteqaammi ilanngullugu nalunaarutigineqassasoq Qeqqata Kommuniata pilersaaruseriaa Kangerlussuarimi umimmannik iluaquteqarneq pillugu isumasioqatigiinnissaq ukiamut pisussa.

Isumasioqatigiinneq taanna tikkuussiumaarmat umimmannik pisuussutinik aqutsineq siunissami qanoq ittoq ingerlanneqartariaqartoq.

Qeqqata Kommuniata kissaatigigaa Maniitsup aqutsivianni umimmaat pisarnertut 1. august piniagaalissasut.

Tuttut piniagaanissaannut tunngatillugu inuussutissarsiutigalugu aalisatut piniartullu peqatigiiffii tusarniaanermi oqaaseqaateqanngillat taamammat Allaffeqarfiup nalilerpaa tuttunut tunngatillugu tusarniaassutit inuussutissarsiutigalugu piniartunit ajorineqanngitsut.

**Innersuussut**

Qeqqata Kommunia tusarniaanermut akissuteqaatimini nalunaarutigissagaa:

Tuttut pillugit:

Tuttut piniagaanissat pillugu Aalisartut piniartullu peqatigiiffii tusarniaanermut akissuteqaateqanngitsut taamaammat kommunip naatsorsutigigaa piffissat tuttut piniagaaffissaat tusarniaassutaasut inuussutissarsiutigalugu piniartunit ajorineqanngitsut.

Umimmaat pillugit:

Maniitsup aqutsiviani umimmaat piniagaalernissaannik ullunik 14-inik kinguartitsiniarneq Qeqqata Kommuniata akuerinngikkaa. Nunaqavissut aasakkut umimmannik iluaquteqarnerat, inuussutissanik pilersornerat innarlerneqarsinnaammat, tamannalu ilaqutarinnut amerlasuunut eqquisussaammat.

Qeqqata Kommunia isumaqartoq Pinngortitaleriffiup innersuussinermi tunngavilersuutai naammanngitsut taamatut annertuumik allannguinnissamut tunngavigissallugit.

Akissuteqaammi ilanngullugu nalunaarutigineqassasoq Qeqqata Kommuniata pilersaarussiaa Kangerlussuarmi umimmannik iluaquteqarneq pillugu isumasioqatigiinnissaq ukiamut pisussaq.

Isumasioqatigiinneq taanna tikkuussiumaarmat umimmannik pisuussutinik aqutsineq siunissami qanoq ittoq ingerlanneqartariaqarnersoq.

Qeqqata Kommuniata kissaatigigaa Maniitsup aqutsiviani umimmaat pisarnertut 1. august piniagaalissasut.

**Siulittaasup aalajangiinera:**

Siulittaasoq Teknikkeqarnermut Ataatsimiititaliaq sinnerlugu juni-ip 23-ani 2020 aalajangiivoq,

-Innersuussutigineqartoq akuersissutigalugu

Aalajangiineq pillugu Teknikkeqarnermut Ataatsimiititaliap tullissaanik ataatsimiilerpat ilisimatinnegassaaq

---

Frederik Olsen  
Siulittaasoq  
Juni-p 23-ani 2020

## **Aalajangiineq**

Ataatsimiititaliap innersuussut akuersissutigaa, tusaatissatullu tiguneqarluni

## **Ilanngussat**

1. Allagaq 27. maj 2020-meersoq aasaanerani ukiaaneranilu 2020-imi piffissaliussat piniarfiussat, tuttutassiissutit kiisalu umimmattassiissutit pillugit siunnersuutit Aalisarnermut, Piniarnermut Nunalerinermullu Naalackersuisoqarfimmit tusarniaaneq.
2. 2020-mi tuttunniartitsinissamut umimmanniartitsinissamullu biologit siunnersuinerat. Pinnngortitaleriffiup allagaa 15. maj 2020-meersoq.
3. Umimmaat illersugaanerat piniagaanerallu pillugit Namminersorlutik Oqartussat nalunaarutaat nr. 8 27. juni 2013-imeersoq
4. Tutut nujuartat illersugaanerat piniagaanerallu pillugit Namminersorlutik Oqartussat nalunaarutaat nr. 7, 27. juni 2013-imeersoq
5. Kangaamiuni aalisartut piniartullu peqatigiit tusarniaanermut akissuteqaataat 16.06.2020-meersoq
6. Kangaamiuni nunaqarfimmi aqutsisut akissuteqaataat 03.06.2020-meersoq
7. Maniitsumi aalisartut piniartullu peqatigiit akissuteqaataat 16.06.2020-meersoq
8. Nunaqarfimmi aqutsisut Atammik/Napasooq akissuteqaataat 11.06.2020-meersoq
9. Maniitsumi sunngiffimmi pinialuttartut peqatigiiffiata akissuteqaataa 11.06.2020-meersoq
10. Sisimiuni saniatigooralugu piniarnermut allagatallit peqatigiiffiata oqaaseqaataa 05.06.2020-meersoq
11. Siverth K. Heilmann-ip oqaaseqaataa 17.06.2020-meersoq.

**Imm.05.2 2020-mi Qeqqata Kommuniani Sisimiut aqutsiveqarfiani ukiaanerani umimmaat  
pisassiissutit agguanneqarnerat piniarneqarnerallu pillugit aalajangiineq**

*J.nr. 72.01.01.02*

Tunuliaqutaq

Aalisarnermut Piniarnermullu Naalakkersuisoqarfiup susassaqtartunut tamanut nalunaarutaa 13. juli 2020-imeersoq.

Qeqqata Kommuniani Sisimiut aqutsiveqarfianut ukiaanerani umimmanniarnissamut umimmaat 300-it pisassiissutigineqarput.

Maleruagassatigut tunngavissaq

Namminersorlutik Oqartussat umimmaat illersugaanerat piniagaanerallu pillugit nalunaarutaat nr. 8, 27. juni 2013-imeersoq.

Pissutsit atuuttut

Sisimiut aqutsiveqarfiani aalisartut piniartullu peqatigiiffii aammalu Sisimiuni Tapertaralugu pinaluttartut peqatigiiffiat kiisalu nunaqarfinni aqutsisut tusarniaavigineqarput 75/25 %-mik pisassiissutinik avitsisarnermut allannguutissamik siunnersuutissaqarnersut.

Tusarniaavigineqartunit tulliuttut akissuteqarput:

Kangerlussuarmi nunaqarfinni aqutsisut ulloq 14.07.2020 ima oqaaseqaateqarput: Nunaqarfinni aqutsisut siulittaasuut feeriarami tulliata akissutigivaa allangortinnissaanut pisariaqartingikkaat.

SAAPP-p siulersuisui ulloq 15.07.2020 ima oqaaseqaateqarput: Ukiuni kingullerni atuuttoq pinaluttartunut 25% piniartut 75% atuutiinnarnissaa kissaatigaarput.

Sisimiuni Saniatigooralugu piniarnermik allagartallit peqatigiiffiat ”Nattoralinnguaq” ulloq 17.07.2020 ima oqaaseqaateqarpoq: Nattoralinnguaq-miit ukiuni kingullerni pisassiissutinik agguariaaseq 75% inuutissarsiutigalugu piniarnermik allagartalinnut, 25% saniatigooralugu piniarnermik allagartalinnut. Agguariaaseq tamakkiisumik taperserparput taamatullu agguariaatsip ingerlaannarnissaa tapersorsorlugu.

Tusarniaavigineqartut sinneri tusarniutigineqartumut akissuteqanngillat.

Aningaasaqarnikkut allaffissornikkullu kingunerisinnaasai  
Ilanngussaqanngilaq.

Qullersaqarfiup oqaaseqaatai  
Soqanngilaq

Allaffeqarfiup naliliinera

Allaffeqarfiup nalilerpaa ukiuni siuliini pisassiissutit umimmaat 300-t inuutissarsiutigalugu piniartunut pinaluttartunullu 75/25%-mik avittarnerinut 2020-mi ukiaanerani umimmanniarnissami allannguutissamik siunnersuuteqartoqanngimmat allannguuteqarani taamatut avinneqassasut.

Allaffeqarfiup innersuussutaa

Innersuussutigineqarpoq ukiaanerani umimmanniarnissamut umimmaat 300-it pisassiisutit imatut avinneqassut:

Inuutissarsiutigalugu aammalu sunngiffimmi allagartalinut 75/25 %-mik avinneqassasut, kisisinngorlugu inuussutissarsiutigalugu allagartalinut 225-iussapput sunngiffimmi allagartalinut 75-inik amerlassuseqassapput.

Siulittaasup aalajangiinera

Teknikkeqarnermut ataatsimiititaliap sinnerlugu siulittaasoq aalajangiivoq, ulloq 27. juli 2020

Tulliuani Teknikkeqarnermut ataatsimiititaliap ataatsimiinnerani aalajangiineq pillugu paasissutissiisutigineqassaaq.

---

Frederik Olsen  
Teknikkeqarnermut ataatsimiititaliami siulittaasoq  
27.juli 2020

**Aalajangiineq**

Ataatsimiititaliap innersuussut akuersissutigaa, tusaatissatullu tiguneqarluni

**Ilanngussat**

1. 2020-ip aasaaneranut ukiaaneranullu tuttuassissutit umimmattassiisutillu piniarnissaallu piffissaliussat pillugit Aalisarnermut Piniarnermullu Naalakkersuisoqarfiup susasaqartunut tamanut nalunaarutaa 13. juli 2020-imeersoq.
2. Namminersorlutik Oqartussat umimmaat illersugaanerat piniagaanerallu pillugit nalunaarutaat nr. 8, 27. juni 2013-imeersoq.
3. Tusarniaane – umimmaat pisassiisutit – Sisimiut aqutsiveqarfiat.
4. Kangerlussuarmi nunaqarfimmi aqutsisut oqaaseqaataat.
5. SAAPP-p siuleruisuisa oqaaseqaataat.
6. Nattoralinnguaq-miit oqaaseqaataat.

**Imm. 05.3 Naalackersuisunut Kalaallit Nunaanni erngup nukinga atorlugu nukissiorfinnik pingaarnersuinissaq pillugu saaffiginnissut pillugu innersuussut**

*J.nr. 74.30.20*

Tunuliaqutaq.

Inatsisartut aalajangiiffigisassaattut siunnersuut 153 Naalackersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik Inatsisartut aappassaaneerinninnerminni akuersissutigaat, ilaatigut tullinnguuttutigit maleruagassalerlugu:

- Inuiaqatigiinnut akilersinnaaneranut kingunissanik nalilersuinernit saqqummiussami ilitsersuut ilaatinneqassasoq, ernialersuineq ilanngullugu.
- Naalackersuisut kingusinnerpaamik UKA 2020-mi sanaartornissamat siunnersuummik saqqummiussaqaapput, aningaasalersuinissamat, ingerlatsinissamat aamma piginnittuunermullu tunngasunik, tassungalugu inatsisitigit tunngavissanik psiariaqartitanik Naalackersuisut suliaqarnermik aallartitsissaapput.

Februaarip 27-ani 2020-mi 01/2020 kommunalbestyrelsip nalinginnaasumik ataatsimiinneranni ilaatigut Qeqqata Kommuniata Naalackersuisunut saaffiginnissuteqarnissani ima kissaateqarluni aalajangerpaa:

Naalackersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannugit eqqaanni erngup nukinga atorlugu nukissiorfinnik pingaarnersuinermi tulleriaarineq Inatsisartut kingusinnerusukkut toqqarsinnaallugu ilutigitillugu aamma assiigiimmik aalajangiinissamat tunngavissaqarnissaq.

- ”Nukissamik pilersuineq pillugu Inatsisartut peqqussutaat nr. 14, 6. november 1997-imeersoq” allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunaanni nukissanut aqqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalillutillu inatsimmi inuussutissarsiornikkut periarfissat atuilluartuusut eqqarsaatigineqassallutik.

Allaffeqarfiup juunip 18-iani tusarniaassumut atortut tiguai ima siunnersuuteqartut: "Sanaartugassanut, aningaasalersuinissanut erngup nukinganik iluaquteqarluni nukissiorfiit atortulersuutitallit Nuummik kiisalu Qasigiannuanik aamma Aasiannik pilersuisussamat killiliussat pillugit Inatsisartut inatsisaat nr. xx ulloq xx. xxx 2020-imeersoq" Allaffeqarfik tusarniaanermut akissummik naatsumik nassiussivoq, ilanngussaq 3 paasissutissiissut takuuk.

Maleruagassatigut tunngavigisaq:

Kiassaateqarfinnik ingerlatsinermut aserfallatsaaliinermullu - kiisalu kiammik pilersuinermut Nukissiorfiit akisussaapput.

- Nukissiorfiit tunniussisarnermut piumasaqaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

#### Pissutsit atuuttut

Qulaanisulli eqqaaneqartutut Qeqqata Kommuniiani kommunalbestyresip aalajangernerata kingorna Qeqqata Kommunia Namminersorlutik Oqartussanut allagaqarpoq, tamanna ilanngussaq 1-imi takunneqarsinnaavoq.

Namminersorlutik Oqartussaniit tusarniaassummik atortut Nuummi, Qasigiannuani Aasiannilu erngup nukinganik nukissiorfeqalernissamik suliarinninnissaq pillugu inatsisissatut siunnersuummut taaneqartumut alajangiisimanermi toqqaannartumik kinguneqarluni tiguneqarpoq, kommunalbestyrelsillu saaffiginninnerani ilaatigut allannguineranik sunniuteqarani.

Ajunngitsussaq anguniarlugu, Qeqqata Kommuniata tusarniaanermut allakkatsigut akissutaa, Namminersorlutik Oqartussanut nalunaarutigineqaqqippoq, taamaalilluni tusarniaanermi akissutitut paasineqarniassammat.

#### Atuilluartuunissakkut kingunerisinnaasai

Nunarsuaq tamakkerlugu isigissagaanni, sunniuteqarnissamut pingaaruteqarpoq nunat tamarmik silaannarmut pitsaasumik suliniuteqarsinnaassasut, Kalaallit Nunaallu sunniuteqaqataassinnaavoq nukissiornikkut inatsisit atuutilersitallu, nunap iluani nunallu avataani pisariaqartitat malillugit tulluarsarneqarsinnaappata. Tamanna pisinnaavoq nunap iluani nunarsuarlu tamakkerlugu suliffeqarfinnut aningaasatigut silaannarmullu pitsaasunik suliniuteqarnermik kajumissaarinikkut.

Kalaallit Nunaat 100 procentimik minguitsumik nukissiuuteqarneq pilersorsinnaaleraluarpalluunniit, nunarsuaq tamakkerlugu isigissagaanni annikitsuaqqamik sunniuteqartussaavoq, tamannali allannguuteqarsinnaavoq Kalaallit Nunaat suliffeqarfinnik nunanit allameersunit ikummatissat uuliameersut aamarsuarneersullu atuisuniit allaanerusunik periusissarsiortunik soqutiginnilersitsisinnaappat. Sulifeqarfiit tamakku minguitsumik nukissiornissaq taassumalu atuisuunik atorneqarnissaa pisariaqartippaat, aammalu suliffeqarfiit ingerlatsinermut aningaasaqarneranni qitiusumik atuuteqartuussasoq.

#### Aningaasaqarnikkut allaffissornikkullu kingunerisinaasai

Erngup nukinga atorlugu nukissiorfinnik innaallagissiorfinnillu atuisunullu toqqaannartumik kommuni ataasiakkaat ingerlatsisuunatillu tuniniaasuunngimmata, aningaasaqarnikkut atugassanut kommuninut ataasiakkaanut toqqaannartumik aningaasaqarnikkut kingunissaqanngilaq. Taamaattorli Nukissiorfiit Namminersorlutillu Oqartussat aningaasaliissuteqarput, tassangaanniillu atuisunut akigititanut kinguneqarluni, atuisutut kommuninut toqqaannartuunngitsumik kinguneqarluni, tassangaanniillu aamma innuttarisaanut. Tamakku KB-ip immikkortumik suliarinninnerani kingullermi aamma kommunip Namminersorlutik Oqartussanut allagaqaataani nassuiarluarneqarnikuupput.

#### Allaffeqarfiup naliliinera

Qeqqata Kommuniata siusinnerusukkat Namminersorlutik Oqartussat Kalaallit Nunaanni erngup nukinganik atuinikkut nukissiorfeqarnissamut aningaasaliissuteqarnissaannik saaffiginnissutaa atuilluartuunikkut nukissiornermik tunngaveqarpoq. Erngup nukinga atorlugu nukissiorfinnik sumiiffinni assigiinngitsuni aningaasaliinissaq, aammalu Nukissiuuteqarneq pillugu nuna tamakkerlugu pilersaarut/Namminersorlutik Oqartussat nukissiuuteqarneq pillugu politikikkut anguniagai pillugit sumiiffinni nunalu tamakkerlugu sulifeqarfinni anguniagaqarnermi sunniuteqaqataasinnaanerat.

Naatsumik oqaatigalugu Qeqqata Kommuniata Namminersorlutik Oqartussanut allagaqaataani namminersortumik ingerlatsinermi isummersornerannik imaqarpoq, Namminersorlutik Oqartussat erngup nukinga atorlugu nukissiorfinnut ataqatigiissaartumik sumiffiimmi nunalu tamakkerlugu suliffeqarfiit

namminersortumik soqutigisaat naapertorlugit aningaasaliisoqarnissaa pisariaqartinneqarpoq, tamanna nukissiornermi politikkimut nunallu aningaasaqarneranut annertuumik sunniuteqarsinnaammat.

Isummersornermi takussutissat tigussaasut ilagaat Sisimiuni ikuaallaavimmut Esanip aningaasaliinera, taassumalu illoqarfiup pisariaqartitaanik atugarissaartumik nukissiornissamut sunniuteqaqataanera. Sisimiuni erngup nukinga atorlugu nukissiorfik anginerusuuppat, illoqarfiullu pisariaqartitaa tamakkersinnaasuuppagu, taava Sisimiuni sumiiffik tamakkerlugu pisariaqartitamik ikuaallaaviliortoqarsimanaviangikkaluarpog, suliffeqqarfimmut illoqarfimmi ungasianiit kissarnermik tunisisinnaaneq periarfissaanngippat aningaasaliinissamut kajuminnartortaqaassanngikkaluarmat.

Nuummilu erngup nukinga atorlugu nukissiorfik mikivallaalilerluni, taamaalilluni sumiiffimmi nunalu tamakkerlugu suliffeqarfimmi illoqarfiup kissarnermik pisariaqartitaanik tapiisinaanissaminut ilaatigut ikuaallaavinniit, dataqarfimmiit aamma aatsitassarsiornerullu iluani aningaasaliinikkut kajuminnartortaqaqalilerluni. Namminersornikkut suliffeqarfiit ataqatigiissaarneqarnerat eqqarsaatiginagu Nuup erngup nukinga atorlugu nukissiorfimmiit sumiiffik 100 procentimik tamakkerlugu pilersorneqarnissaanik Namminersorlutik Oqartussat suliniuteqarpata, tamanna suliffeqarfiit aningaasaliinissamut kajumikkunnaarnerannik kinguneqassaaq.

Sanaartornissamut aningaasaliinissaaq eqqarsaatigalugu, Qeqqata Kommuniata Maniitsup eqqaani erngup nukinga atorlugu nukissiorfiliornissaaq akikinnerpaatut aningaasaliinissamullu qajannaannerpaatullu qinersimavaa, Manitsullu eqqaani teknikkikkut misissuinermi suliniuteqarnissaaq salliussimallugu.

### **Innersuussut**

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa:

Allafeqarfiup tusarniaanermi akissutaa "Sanaartugassanut, aningaasalersuinissanut erngup nukinganik iluaquteqarluni nukissiorfiit atortulersuutitalit Nuummik kiisalu Qasigiannuanik aamma Aasiannik pilersuisussamut killiliussat pillugit Inatsisartut inatsisaat nr. xx ulloq xx. xxx 2020-imeersoq" tusaatissatut tiguneqassasoq.

### **Aalajangiineq:**

Ataatsimiititaliap innersuusuut akueraa, Maniitsumilu erngup nukinga atorlugu nukissiorfiliortoqarnissaanut suli suliniuteqartoqassasoq kissaatigineqarluni.

Suliaq Kommunalbestyrelsimut inaarutaasumik akuerineqartussanngorlugu ingerlateqqinneqarpoq

### **Ilanngussat:**

1. Qeqqata Kommuniata Namminersorlutik Oqartussanut allagaqaataa (ilanngussaq 1A-C)
2. Tusarniaanermi atortorineqartut
3. Naalakkersuisunut tusarniaalluni allakkat

#### **Imm.05.4 Tamalaat**

Sisimiuni majuartaatip ingerlanneqarneranut paasissutissat (ingerlatsinermi aqutsisumit Martin-imit akissut):

Alangorsuaq iluarsarttuunneqarpoq, 2021-milu nunatsinni pissartanngorniuttoqannginnerani naammassereertussaasariaqarluni, tassa imaappoq qanittumi ukiuunerani 2020/2021-mi atorsinnaanngorlugu ingerlanneqassaaq.

Kalaalimineerniarfimmi akinut killiffik (Martin):

Piniartunit aalisartullu peqatigiiffiinit akissutissiinissarput utaqqivarput, piniartut akinut siunnersuutaat pillugu kommunip akissuteqareernerata aammalu innuttaasunik ataatsimiisitserernerup kingorna akissummik ataatsimik taamaallaat tigusaqarpugu.

Ataatsimiinneq naavoq nal.16.05